



周易傳義大全

卷九之十一



Digitized by the Internet Archive
in 2021 with funding from
University of Toronto

周易傳義大全卷之九



賁者。飾也。物之合則必有文。文乃飾也。如人之合聚則有威儀。上下物之合聚則有次序。行列合則必有文也。賁所以次噬嗑也。爲卦山下有火。山者草木百物之所聚也。下有火則照見其上。草木品彙皆被其光彩。有賁飾之象。故爲賁也。

賁亨。小利有攸往。

賁彼
偽反

傳 物有飾而後能亨。故曰无本不立。无文不行。有實而

加飾則可以亨矣。文飾之道可增其光彩。故能小利於

進也。

本義

賁飾也。卦自損來者。柔自三來而文二。剛自

二上而文三。自既濟而來者。柔自上來而文五。剛自五

上而文上。又內離而外艮。有文明而各得其分之象。故

為賁。占者以其柔來文剛。陽得陰助而離明於內。故為

亨。以其剛上文柔而艮止於外。故小利有攸往。

雲峯胡氏曰。無本不

立。無文不行。有賁之文。所以能亨。然不過小利有所往而已。何者。本為大。文為小也。至彖乃分上下體。言亨與

小利有攸往。亦謂有本而復有文。內離則質本剛而柔文之。故亨。外艮則質本柔而剛文之。故小利有攸往。

彖曰賁。亨。

本義

亨字疑衍。

柔來而文剛。故亨。分剛上而文柔。故小利。有攸往。天文也。

義

以卦變釋卦辭。剛柔之交。自然之象。故曰天文。先

儒說天文上當有剛柔交錯四字。理或然也。

雲峯胡氏曰。柔來而

文剛。是以剛為主也。剛往文柔。必曰分。剛上而文柔者。亦以剛為主也。故本義於柔文剛則曰陽得陰助。於剛文柔而不曰陰得陽助。蓋一陰下而為離。則陰為陽之助。而明於內。一陽上而為艮。則陽為陰之主。而止於外。是知皆以剛為主。而彖傳以陰為小者。此也。

文明以止。人文也。

傳

卦為賁飾之象。以上下二體剛柔交相一作交為文飾

也。下體本乾。柔來文其中而為離。上體本坤。剛往文其上而為艮。乃為山下有火。止於文明而成賁也。天下之

周易傳義大全卷九
事无飾不行。故賁則能亨也。柔來而文剛。故亨。柔來文於剛。而成文明之象。文明所以爲賁也。賁之道能致亨。實由飾而能亨也。分剛上而文柔。故小利有攸往。分乾之中爻。往文於艮之上也。事由飾而加盛。由飾而能行。故小利有攸往。夫往而能利者。以有本也。賁飾之道。非能增其實也。但加之文彩耳。事由文而顯盛。故爲小利有攸往。亨者。亨通也。往者。加進也。二卦之變。共成賁義。而彖分言。言字无上下各主一事者。蓋離明足以致亨。文柔又能小進也。天文也。文明以止。人文也。此承上文言陰陽剛柔相文者。天之文也。止於文明者。人之文也。止。謂處

於文明也。質必有文。自然之理。理必有對待。生生之本也。有上則有下。有此則必一作有彼。有質則有文。一不獨立。二則為文。非知道者孰能識之。天文。天之理也。人文。

人之道也。

義

又以卦德言之。止。謂各得其分。

潛齋胡氏曰。日

月五星之運。錯行乎二十八宿。經星之次舍。此天之文也。即卦中剛柔交錯乎六位者也。君臣父子兄弟夫婦朋友粲然有禮以相接者。文之明也。截然有分以相守者。文之止也。是則卦中離明而艮止者也。○雲峯胡氏曰。上文以卦變言。則剛柔之交可以見天文。此以卦德言。則文明各得其分可以見人文。

觀乎天文以察時變

傳

天文。謂日月星辰之錯列。寒暑陰陽之代變。觀其運

行。以察四時之遷改也。

觀乎人文以化成天下

傳

人文。人理之倫序。觀人文以教化天下。天

天一无下无

下成其禮俗乃聖人用賁之道也。賁之象取山下有火。

又取卦變柔來文剛剛上。文柔。凡卦有以二體之義及

二象而

一无

成者。如屯取動乎險中與雲雷訟取上剛

下險與天水違行是也。有取一爻者。成卦之由也。柔得

位而上下應之曰小畜。柔得尊位大中而上下應之曰

大有。是也。有取二體又取消長之義者。雷在地中復。山

附於地剝。是也。有取二象兼取二爻交變爲義者。風雷

益兼取損上益下。山下有澤損兼取損下益上是也。有

既以二象成卦。復取爻之義者。夫之剛決柔。姤之柔遇剛是也。有以用成卦者。巽乎水而上水。井。木上有火。鼎。是也。鼎又以卦形爲象。有以形爲象者。山下有雷。頤。頤中有物曰噬嗑。是也。此成卦之義也。如剛上柔下。損上益下。謂剛居上柔在下。損於上益於下。據成卦而言。非謂就卦中升降也。如訟无妄云。剛來。豈自上體而來也。凡以柔居五者。皆云柔進而上行。柔居下者也。乃居尊位。是進而上也。非謂自下體而上也。卦之變皆自乾坤。先儒不達。故謂賁本是泰卦。豈有乾坤重而爲泰。又由泰而變之理。下離本乾。中爻變而成離。上艮本坤。上爻

變而成艮。離在內故云柔來。艮在上故云剛上。非自下體而上也。乾坤變而為六子。八卦重而為六十四。皆由乾坤之變也。朱子曰。伊川說乾坤變為六子。非是。卦不兩儀四象。自不分明。卦不是旋取象。了方畫。須是都畫了這卦。方只就已成底卦。上面取象。所以有剛柔來往。

上下

本義

極言賁道之大也

臨川吳氏曰。此廣賁義。以卦體言。交錯者。初與二。三與四。五與

上。皆以一剛一柔相間。在天日月之行。星辰之布。亦剛柔交錯。故曰天文也。以卦德言。文明者。文采著明。止者。不踰分限。在人五典之敘。五禮之秩。粲然有文。而各安所止。故曰人文也。時變。謂四時寒暑代謝之變化。謂舊者化新成。謂久而成俗。○潛齋胡氏曰。聖人南面而立。視昏旦之星日月之次。以知四時寒暑之變。觀君臣父子兄弟夫婦朋友之文。則導以禮樂。風以詩書。彰以車服。辨以采章。而化成於天下。

象曰。山下有火。賁。君子以明庶政。无敢折獄。

傳

山者草木百物之

之一字无所聚生也

火在其

其一字无

下而

上照。庶類皆被其光明。為賁飾之象也。君子觀山下有火

明照之象。以修明其庶政。成文明之治。而无果敢於折

獄也。折獄者。人君之所致慎也。豈可恃其

其一字无

明而輕

自用乎。乃聖人之用心也。為戒深矣。象之所取。唯以山

下有火。明照庶物。以用明為戒。而賁亦自有无敢折獄

之義。折獄者。專用情實。有文飾。則沒其情矣。故无敢用

文以折獄也。

本義

山下有火。明不及遠。明庶政事之小

者。折獄事之大者。內離明而外艮止。故取象如此。

或問本義

云。明庶政是明之小者。無敢折獄是明之大者。此專是就象上取義。伊川說此則又就賁飾上說。不知二說可相備否。朱子曰。明庶政是就離上說。無敢折獄是就上說。離明在內。艮止在外。則是事之小者。可以用明折獄。是就大者。一折便了。有止之義。明在內。不能及他。故止而不敢折也。大凡就象中說。則意味長。若懸空說道。理雖說得去。亦不甚親切也。又曰。此與旅卦都說刑獄事。但爭艮與離之在內外。故其說相反。止在外。明在內。故明庶政而不敢折獄。止在內。明在外。故明謹用刑而不敢留獄。粗言之。如今州縣治獄。禁勘審覆。自有許多節次。過乎此而不決。便是留獄。不及乎此而決。便是敢於折獄。書曰。要囚服。念五六日。至于旬時。不蔽要囚。周禮秋官亦有此數句。便是有合如此者。若獄未是而決之。是所謂敢折獄也。若獄已具而留之。不決。是所謂留獄也。○雲峯胡氏曰。明庶政之小者。而不敢折其獄之大者。亦以明不及遠故也。明離象。无敢折。艮象。○沙隨程氏曰。離為刑獄之象。凡四卦。賁旅不嫌於用明。故稱火。豐噬嗑稱電者。暫明於幽暗之間。不以為常也。稱

初九。賁其趾。舍車而徒。
舍音

傳初九以剛陽居明體而處下。君子有剛明之德而在

下者也。君子在无位之地。無所施於天下。唯自賁飾其

所行而已。趾取在下而所以行也。君子修飾之道。正其

所行。守節處義。其行不苟。義或不當。則舍車輿而寧徒

行。衆人之所羞。而君子以爲賁也。舍車而徒之義。兼於

比。應取之。初比二而應四。應四正也。與二非正也。九之

剛明守義。不近與於二而遠應於四。舍易而從難。如舍

車而徒行也。守節義。君子之賁也。是故君子所賁。世俗

所羞。世俗所貴。一作賁君子所賤。以車徒爲言者。因趾與

行爲義也。**本義**剛德明體。自賁於下。爲舍非道之車而

安於徒步之象。占者自處當如是也。

白雲郭氏曰。君子以義為榮。不以徒

行為辱。初九以賤自居。舍車而徒。所謂窮不失義者矣。○雲峯胡氏曰。壯初剛居剛而健體。故壯于趾。賁初剛居剛而明體。故賁其趾。壯初壯于趾。不安在下之分者也。賁初舍車而徒。能安在下之分者也。蓋易之義。所乘者在下而乘之者在上。初在下卦之下而无所乘。分也。然曰賁其趾。非徒安分而已。舍車之榮而徒行。是不以徒為辱而自以義為榮也。是故君子行義。必於在下之時發足之初觀之。

象曰。舍車而徒。義弗乘也。

傳 舍車而徒行者。於義不可以乘也。初應四。正也。從二。

非正也。近舍二之易而從四之難。舍車而徒行也。君子

之賁。守其義而已。

本義

君子之取舍。決於義而已。

雲峯胡氏

曰。初九以徒為義。不以乘為義。即孟子所謂往役義也。往見不義也。

六二。賁其須。

傳

卦之爲賁。雖由兩爻之變。而文明之義爲重。二實賁

之主也。故主言賁之道。飾於物者。不能大變其質也。因

其質而加飾耳。故取須義。須隨頤而動者也。動止惟係

於一無字所附。猶善惡不由於賁也。二之文明。唯爲賁飾。

善惡則係其質也。

本義

二以陰柔居中正。三以陽剛而

得正。皆無應與。故二附三而動。有賁須之象。占者宜從

上之陽剛而動也。

漢上朱氏曰。毛在頤曰須。在口曰髭。在頤曰髥。三至上有頤體。二在頤下。

頤之象。二。三剛柔相賁。賁其須也。夫文不虛生。須生於頤。血盛則煩滋。血衰則減耗。須所以賁其頤也。○臨川

吳氏曰。須之美者。生而美也。美由中出。不假外飾。六二柔麗乎中正。固有其美。而須之賁。非有待於外物而賁。

者。然陰柔不能自動。必附麗於陽。如須雖有美。必附麗於頤也。○雲峯胡氏曰。本義以二與三皆無應與。故二自附三而動。如須附頤而動。二柔居中正。三剛而得正。得其附矣。

象曰。賁其須。與上興也。

傳以須爲象者。謂其與上同興也。隨上而動。動止唯係

所附也。猶加飾於物。因其質而賁之。善惡在其質也。

梅巖

袁氏曰。陰不能以自明也。得陽而後明。柔不能以自立也。得剛而後立。下不能以自興也。得上而後興。

九三。賁如。濡如。永貞吉。

傳三處文明之極。與二四二陰間處相賁。賁之盛者也。

故云賁如。如辭助也。賁飾之盛。光彩潤澤。故云濡如。光彩之盛。則有潤澤。詩云。麇鹿濯濯。永貞吉。三與二四非

正應相比而成相賁故戒以常永貞正賁者飾也賁作

修飾之事難乎常也故永貞則吉三與四相賁又下比

於二二柔文一剛上下交賁為賁之盛也



一陽居

二陰之間得其賁而潤澤者也然不可溺於所安故有

永貞之戒童溪王氏曰剛柔相賁相與潤色以成其文此所謂賁如濡如也六二六四柔之正也九

三剛之正也相比而相賁不失正道則為吉矣○節齋蔡氏曰三陷二柔之中有坎象故曰濡如坎剛中心亨

故永貞吉○雲峯胡氏曰互坎有濡義亦有陷義既未濟濡首濡尾濡而陷者也九三非不貞也能永其貞則

二陰於我為潤澤之濡我於彼不為陷溺之濡矣

象曰永貞之吉終莫之陵也

傳飾而不常且非正則一有人所陵侮也故戒能永正則

占也。其賁既常而正。誰能陵之乎。

節齋蔡氏曰。陵。侮也。三能承貞。則二柔雖

此已而濡如然。終莫之陵侮。而不至陷溺也。

六四。賁如皤如。白馬翰如。匪寇婚媾。

皤。白。波反。

傳四與初為正應。相賁者也。本當賁如而為三所隔。故

不獲相賁而皤如。皤。白也。未獲賁也。馬在下而動者也。

未獲相賁。故云白馬。其從正應之志如飛。故云翰如。匪

為九三之寇。離所隔。則婚媾遂其相親矣。已之所乘與

動於下者。馬之象也。初四正應。終必獲親。第始為其間

隔耳。**義**皤。白也。馬人所乘。人白則馬亦白矣。四與初

相賁者。乃為九三所隔而不得遂。故皤如。而其往求之

心如飛翰之疾也。然九三剛正，非為寇者也。乃求婚媾

耳。故其象如此。

王氏大寶曰：鵲髮白，柔餅於柔。陰盛陽衰，鵲如之象。○平庵項氏曰：三當貴道

之隆。四當貴道之變也。○雲峯胡氏曰：二與五三與上非應，則亦非相貴者。惟四以初之應為貴，而為三所隔，所謂貴如者，鵲如矣。鵲白也。曰鵲如，又曰白馬者，人馬俱白。象六四德與位俱柔也。白馬而曰翰如者，六四陰柔之正。下求初九陽剛之正，雖為三所隔，而其往求之心，如飛翰之疾也。然三剛正，亦非與己為寇，乃欲與己為婚媾耳。此與屯六二相似。屯剛柔始交，貴剛柔相雜，皆有婚媾象。然屯之二乘馬班如，應五之心，何其緩。貴之四白馬翰如，應初之心，何其急。時不同也。屯二應五，下求上也，不可以急。貴四應初，上求下也，不可以緩。

象曰：六四當位，疑也。匪寇婚媾，終无尤也。

傳

四與初相遠，而三介於其間，是所當之位為

一無可為字

疑也。雖為三寇讎所隔，未得親於婚媾，然其正應理直

義勝終必得合。故云終无尤也。尤。怨也。終得相賁。故无怨尤也。**本義**當位疑。謂所當之位可疑也。終无尤。謂若守正而不與。亦無他患也。

六五。賁于丘園。束帛戔戔。吝終吉。

戔在干反。又音戔。

傳六五以陰柔之質。密比於上九剛陽之賢。陰比於陽。復无所係。應從之者也。受賁於上九也。自古設險守國。故城壘多依丘坂。丘。謂在外而近且高者。園。圃之地。最近城邑。亦在外而近者。丘園。謂在外而近者。指上九也。六五雖居君位。而陰柔之才不足自守。與上之剛陽相比。而志從焉。獲賁於外。比之賢。賁于丘園也。若能受賁。

於上九受

一作隨

其裁制如束帛而

一無而字

爻爻則雖其柔

弱不能自為為可吝少然能從於人成貴之功終獲其

吉也爻爻剪裁分裂之狀帛未用則束之故謂之束帛

及其制為衣服必剪裁分裂爻爻然束帛喻六五本質

爻爻謂受人剪製而成用也其資於人與蒙同而蒙不

言吝者蓋童蒙而賴於人乃其宜也非童幼而資貴於

人為可吝耳然享其功終為吉也

或問伊川解貴于丘園指上九而言看來

似好蓋貴三陰皆受貴于陽不應此又獨異而作敦本務實說也朱子曰如何丘園便能貴人束帛爻爻他解

作剪裁之象尤艱曲說不出這八字只平白在這裏若如所說則曲折多意思遠舊說指上九作高尚隱于丘

園之賢而用束帛之禮聘召之若不用其說則此說似近若將丘園作上九之象束帛爻爻作剪裁紛裂之象

則與象意大故相遠也。○孔氏曰。諸儒以此爻爲貴飾丘園之士。且爻象无待士之文。此蓋普論爲國之道。不尚華飾而貴儉約也。若唯用束帛招聘丘園。以儉約待賢。豈其義也。

本義

六五柔中爲貴之主。敦本尚實得貴之道。故有丘

園之象。然陰性吝嗇。故有束帛戔戔之象。束帛薄物。戔

戔淺小之意。人而如此。雖可羞吝。然禮奢寧儉。故得終

吉。

朱子曰。貴于丘園。束帛戔戔。此兩句。只是當來卦辭。非主事而言。看如何用。皆是這箇道理。貴于丘園。是

箇務實底。束帛戔戔。是貴得不甚大。所以說吝。兩句是兩意。戔戔淺小之意。凡淺字箋字皆從戔。淺小即是儉之義。所以下文云吝終吉。吝者雖不好看。然終却吉。問六五是在艮體。故安止于丘園而不復有外貴之象。曰。雖是止體。亦是上比於九。漸漸到極處。若一向貴飾去。亦自不好。須是收斂方得。問敦本務實。莫是反朴還淳之義否。曰。貴取貴飾之義。他今却來貴田園爲農園之事。當貴之時。似若鄙吝。然儉約故終得吉。吉則有喜。故

象云有喜也。○雲峯胡氏曰。諸家多言賁于丘園之賢。本義謂不賁于市朝而賁于丘園。敦本也。束帛戔戔。尚實也。陰性吝嗇而終吉。林放問禮之本。夫子答以與其奢也寧儉。即此意也。聖人謂賁以文飾成卦。後世必有因飾而過者。故於五明敦本尚儉之爲吉。又於上見賁極反本之爲无咎也。

象曰。六五之吉有喜也。

傳能從人以成賁之功。享其吉美。是有喜也。

上九。白賁。无咎。

傳上九賁之極也。賁飾之極。則失於華僞。唯能質白。其

賁則无過失之咎。白。素也。尚質素。則不失其本真。所謂

尚質素者。非无飾也。不使華沒實耳。**本義**賁極反本。復

於无色。善補過矣。故其象占如此。或問白賁无咎。朱子曰。賁飾之事。太盛則

有咎。所以處太盛之終。則歸于白賁。勢當然也。○問如本義說。六五上九兩爻。却是賁極反本之意。曰。六五已反本而復於无飾矣。蓋皆賁極之象也。白賁无咎。据剛上文柔是不當說自然。而卦之取象不恁地拘。各自說一義。○雲峯胡氏曰。初取上下之義。賁其趾。下象也。上取始終之義。文之極則反為質。白賁終象也。賁上卦言白馬。言束帛。彋彋終言白賁。雜卦曰。賁无色也。可謂一言以蔽之矣。履禮也。初素履往无咎。賁文也。終白賁无咎。其反賁之文而為履之素歟。

象曰。白賁无咎。上得志也。

傳。白賁无咎。以其在上而得志也。上九為得志者。在上而文柔成賁之功。六五之君又受其賁。故雖居无位之地。而實尸賁之功。為得志也。與他卦居極者異矣。既在上而得志。處賁之極。將有華偽失實之咎。故戒以質素。

則无咎。飾不可過也。

或問何謂得志。朱子曰。居卦之上。在事之外。不假文飾而有自然之

文。便是優游自得也。○潘氏夢旂曰。處賁之極。文變為素。潔白自守。其志得矣。○進齋徐氏曰。內三爻離體。以

文明為賁。初賁其趾。二賁其須。三濡如。皆有所設飾也。外三爻艮體。以篤實為賁。四皤如。五丘園。上白賁。皆尚

質素。无假外飾。故曰賁无色也。○建安丘氏曰。賁之一卦。以卦變言。則柔來文剛。剛上文柔而為賁。以二體言。

則下離上艮。文明以止而為賁。以六爻言。則三陽三陰相比相賁。而為賁。然陰陽二物。有應者以應。而相賁。無


應者。以比而相賁。四與初應。求賁於初。故初賁趾。而四

翰如也。二比三而賁乎三。故二賁須。而三濡如也。五比

上而賁乎上。故五賁丘園。而上白賁也。初與四應。而相

賁者也。二與三。五與上。比而相賁者也。此賁六爻之大

旨也。



艮上 坤下

傳

剥序卦賁者飾也。致飾然後亨則盡矣。故受之以剥。

夫物至於文飾亨之極也。極則必反。故賁終則剥也。卦五陰而一陽。陰始自下生。漸長至於盛極。群陰消剥於陽。故爲剥也。以二體言之。山附於地。山高起地上而反附著於地。頽剥之象也。

剥。不利有攸往。

傳 剥者。群陰長盛。消剥於於字。无陽之時。衆小人剥喪於

於字。无君子。故君子不利有所往。唯當巽言晦迹。隨時消

息。以免小人之害也。

本義

剥落也。五陰在下而方生。一

陽在上而將盡。陰盛長而陽消落。九月之卦也。陰盛陽衰。小人壯而君子病。又內坤而外艮。有順時而止之象。

故占得之者不可有所往也

雲峯胡氏曰。剝落之以五陰剝一陽。欲落之以

至於盡也。否三陰三陽。陰陽猶相等。且曰不利君子貞。剝五陰而一陽。小人盛而君子孤。如之何可有所往哉。雖然。陽無可盡之理也。一變而後利有攸往矣。○臨川吳氏曰。以卦體而言。則陰長已至五。僅存一陽。再往則并一陽消之矣。故不宜有往。以占者而言。則小人極盛之時。當順時而止。不可以有所往也。

彖曰。剝剝也。柔變剛也。

義

以卦體釋卦名義。言柔進干陽。變剛為柔也。

建安丘氏

曰。自一柔變剛而為姤。再變遯。三變否。四變觀。五變剝。更進則盡變而卦為純坤矣。聖人於姤言柔遇剛者。姤相邂逅之謂也。此言柔變剛。變則盡反其所為。君子悉為小人。天下之事有不忍言者。故遇可為也。變不可為也。

不利有攸往。小人長也。

長丁文反

傳剥剥也。謂剥落也。柔變剛也。柔長而剛變也。夏至一

陰生而漸長。一陰長則一陽消。至於於字无建成則極而

成剥。是陰柔變剛陽也。陰小人之道。方長盛而剥消於

一作剛。陽故君子不利有所往也。建安丘氏曰。剥之柔變剛。言小人長。則復之剛

反為君子長可知矣。隆山陳氏曰。夫豕曰剛。決柔而剥。曰柔變剛。何也。曰。此君子小人之辨也。君子剛明果斷。小人陰賊險狠。君子之去小人。聲其罪與天下共棄之。名正言順。故曰決。小人之欲去君子。辭不順。理不直。必萋斐浸潤。以侵蝕之。使之日消月鑠。而不自知。故曰變。一字之間。君子小人之情狀。皦然矣。

順而止之。觀象也。君子尚消息盈虛。天行也。

傳君子當剥之時。知不可有所往。順時而止。乃能觀剥之象也。卦有順止之象。乃處剥之道。君子當觀而體之。

君子尚消息盈虛天行也。君子存心消息盈虛之理而能順之。乃合乎天行也。理有消衰有息。長有盈滿有虛損。順之則吉。逆之則凶。君子隨時敦尚。所以事天也。本

義

以卦體卦德釋卦辭

建安丘氏曰。利言不利有攸往。則曰順而止。復言利有攸往。則

曰以順行。於柔長而戒之。使止者。所以憂小人之進。於剛長而勉之。使行者。所以喜君子之來。觀聖人利不利之辭。則知其為君子發也。○雲峯胡氏曰。凡卦畫皆象也。皆當觀也。於利獨言之者。為處變君子言也。消息盈虛四字。皆為陽言。復者。陽之息。姤者。陽之消。乾者。陽之盈。坤者。陽之虛。利五陰而一陽。則陽之消而至於虛者也。其變也大矣。然亦天行也。故利曰天行。復亦曰天行。○隆山李氏曰。消息盈虛。乃時運之使然。君子尚之。與時偕行。雖處剥之時。而不至於咨嗟感憂。而變其所守者。知其後之必復。而屏心寧耐。以待之也。不然。不憤群陰之進。盡力以抗之。則必激起其蠱尾之毒。甘受其摧剥糜爛之禍。而不可救藥矣。

象曰。山附於地。剝上以厚下安宅。

傳

艮重於坤。山附於地也。山高起於地而反附著於地。

圯剝之象也。上謂人君與居人上者。觀剝之象而厚固。

其下以安其居也。下者上之本。未有基本固而能剝者。

也。故上

山一作

之剝必自下。下剝則上危矣。爲人上者知。

理之如是。則安養人民以厚其本。乃所以安其居也。書。

曰。民惟邦本。本固邦寧。

朱子曰。厚下者乃所以安宅。如山附於地。唯其地厚。所以山安。

其居而不搖。人君厚下以得民。則其位亦安而不搖。猶所謂本固邦寧也。○雲峯胡氏曰。不曰君子而曰上。上。

指一陽。下指五陰也。陰陽之分明矣。厚下。坤地象。安宅。

艮土象。○節齋蔡氏曰。卦以下剝上取義。乃小人剝君子也。象以上厚下取義。乃人君厚生民也。下剝上者。成剝之義。上厚下者。治剝之道也。○厚齋馮氏曰。以上下。

厚薄取象而不以陰陽消長為義。此聖人用卦之微權也。

初六。剥牀以足。蔑貞凶。

傳陰之剥陽自下而上。以牀為象者。取身之所處也。自

下而剥。漸至於身也。剥牀以足。剥牀之足也。剥始自下。

故為剥足。陰自下進。漸消蔑於一无貞正凶之道也。蔑

无也。謂消亡於正道也。一作消亡於正道也。陰剥陽柔變

剛是邪侵正。小人消君子。其凶可知。**本義**剥自下起。滅

正則凶。故其占如此。蔑滅也。節齋蔡氏曰。牀者。人之所

以象剥。足在下。又取以象初。臨川吳氏曰。五月姤之

一陰始消。一陽於下。猶剥牀而先及其足也。○雲峯胡氏曰。正道。天地間不可一日無也。方其剥之自下。未至

曰。剥卦陰爻凡五。六三舍群陰以應上九。故无咎。六五率群陰以受制於陽。故无不利。若初六六二六四則居剥之世。專以陰剥陽者。故三爻皆因剥牀而凶。聖人雖於陰類當長之時。猶不許小人之害君子。其戒昭然也。

象曰。剥牀以足。以滅下也。

傳取牀足為象者。以陰侵沒陽於下也。滅沒也。侵滅正

道自下而上也。

六二。剥牀以辨。茂貞凶。

傳辨分隔上下者。牀之幹也。陰漸進而上。剥至於辨。愈

茂於正也。凶益甚矣。

本義

辨牀幹也。進而上矣。

或問初與二茂

貞凶。是以陰茂陽。以小人茂君子之正道。凶之象也。不知只是陽與君子當之則凶。為復陰與小人亦自為凶。朱子曰。自古小人滅害君子。終亦有凶。但此爻象只說陽與君子之凶也。○孔氏曰。辨謂牀身之下。足之上。分

辨處也。○雲峯胡氏曰。剥自下起。剥牀以辨。進及上矣。然二陰為遯。猶未至於蔑貞。辭與初同。亦戒之也。

象曰。剥牀以辨。未有與也。

傳陰之侵剥於剛一作陽得以益盛。至於剥辨者。以陽未

有應與故也。小人侵剥君子。若君子有與。則可以勝小

人。不能為害矣。唯其无與。所以被蔑而凶。當消剥之時

而无徒與。豈能自存也。言未有與。剥之未盛。有與猶可

勝也。示人之意深矣。**奎義**言未大盛雲峯胡氏曰。程傳言陽未有與。本義

言陰未有與。二陰猶未至於五陰之盛也。

六三。剥之无咎。

傳眾陰剥陽之時。而三獨居剛。應剛與上下之陰異矣。

志從於正。在剥之時爲无咎者也。三之爲可謂善矣。不言吉何也。曰。方群陰剥陽。衆小人害君子。三雖從正。其勢孤弱。所應在元位之地。於斯時也。難乎免矣。安得吉也。其義爲无咎耳。言其无咎。所以勸也。**本義** 衆陰方剥

陽而已。獨應之。去其黨而從正。无咎之道也。占者如是。

則得无咎。

建安丘氏曰。剥下五陰皆剥陽者。而三處其中。獨與上應。不忍黨邪以害正。是小人而知

有君子也。故在剥之時爲无咎。○梅巖素氏曰。剥雖小人之事。以近陽爲善。以有應於陽次之。近陽者。六五是也。故可以治剥。有應者。此爻是也。故不爲剥。○雲峯胡氏曰。剥之三。即復之四。復六四在五陰中。獨與初應。而不許以吉。剥六三在五陰中。獨與上應。而許以无咎。何也。曰。復君子之事。明道不計功。不以吉許之可也。剥小人之事。小人中獨知有君子。不以无咎許之。則无以開其補過之門也。

象曰。剥之无咎。失上下也。

傳三居剥而无咎者。其所處與上下諸陰不同。是與其同類相失。於處剥之道為无咎。如東漢之呂強是也。

本義上下。謂四陰。雲峯胡氏曰。六三居四陰中而獨與一陽所失者陰。是其失乃所以為得也。

六四。剥牀以膚。凶。

傳始剥於牀足。漸至於膚。膚身之外也。將滅其身矣。其

凶可知。陰長已盛。陽剥已甚。貞道已消。故更不言蔑貞。

直言凶也。

本義

陰禍切身。故不復言蔑貞而直言凶也。

白雲郭氏曰。六四上體。居牀之上。則膚矣。○臨川吳氏曰。初為牀足。二為牀辨。三為牀上。人所卧處。四人之身。

也。非牀也。非牀而曰剥牀以膚。言剥牀而上及於人之肌膚也。○建安丘氏曰。剥道已成。故直言凶而不言蔑貞也。○雲峯胡氏曰。本義曰。蔑貞則凶。蓋猶許其不蔑貞。則猶未至於凶也。剥而及膚。小人豈不欲蔑貞哉。然正道終不可得而蔑。故不言蔑貞。而直言凶。亦豈獨君子之凶哉。

象曰。剥牀以膚。切近災也。

傳五為君位。剥已及四。在人則剥其膚矣。剥及其膚。身

垂於亡矣。切近於災禍也。龜山楊氏曰。剥牀以足以辨。剥其所安而已。六四則剥及

膚矣。其為災也。不切近乎。

六五貫魚以宮人寵。无不利。

傳剥及君位。剥之極也。其凶可知。故更不言剥。而別設義

以開小人遷善之門。五群陰之主也。魚陰物。故以為象。

五能使群陰順序如貫魚然。反獲寵愛於在上之陽如

宮人則无所不利也。宮人。宮中之人。妻妾侍使也。以陰

言且取獲寵一作親愛之義。以一陽在上。眾陰有順從之

道。故發此義。**本義**魚陰物。宮人。陰之美而受制於陽者

也。五為眾陰之長。當率其類受制於陽。故有此象。而占

者如是。則无不利也。進齋徐氏曰。六五以柔居中為群

有后妃以宮人備數進御於君之象。○平庵項氏曰。六

五君位。五為王后。與君同處。四為夫人。佐后者也。三為

九嬪。以主九御。下卦之長也。二為世婦。初為御妻。○臨

川吳氏曰。宮人。眾妾也。以之者后也。后為宮人之主。五

統群陰。如后統眾妾。眾陰戴陽。如后以眾妾進御於主

而獲寵愛之象。陰長消陽。至五極矣。不可以再長也。一

陽在上。非可剥者。故取群陰順承一陽為義。六三應上

九而寧失群陰之心。六五比上九而率群陰以求一陽

○周易傳義卷之六

之寵。一陽之功大矣。天道之不可一日无陽。世道之不可一日无君子者。此也。○雲峯胡氏曰。剥五不取君位。如坤。遯。明夷。歸妹。旅。皆非君所處也。剥而至於五。是為剥之極。故五不取剥義。別設為貫魚宮寵之象。所以開小人改過遷善之門也。五為群陰之尊。能率其類受制於陽。无不利矣。剥牀自足而辨而膏。陰以次而剥陽也。后以宮人備數進御於君。望前先卑。望後先尊。亦以次而承陽。聖人至是則戒之曰。與其以次剥陽而至於凶。孰若以次承陽之為利哉。彖曰。不利有攸往。為君子戒也。此曰。无不利。為小人勉也。○建安丘氏曰。遯剥皆陰長之卦。遯陰長而猶微。可制也。在遯之九三。言陽制陰之道。故曰。畜臣妾。言剥陰長而已極。不可制矣。故不復言陽之制陰。而言陰之從陽。是以六五曰。貫魚以宮人寵。畜陰之權在陽。則告陽以制陰之道。剥陽之權在陰。則教陰以從陽之道。聖人於陰長之卦。其委曲為君子謀者如此。

象曰。以宮人寵。終无尤也。

傳

群陰消

一无

剥於

一无

陽以至於極

六五若能

長率

群陰駢首順序。反獲寵愛於陽。則終无過尤也。於剥之

將終復發此義。聖人勸遷善之意深切之至也。

平庵項氏曰。剥

之五陰。但用於午未申酉戌之月。亦在天道未為不利也。若用於陽月。以侵發生之事。則為厲氣耳。此爻別明後宮之義。而象釋之曰。終无尤者。以見小人但以此寵之。則終无害也。○雙湖胡氏曰。易以天道明人事。卦至九月。五陰既長。謂觀九五不剥為陰不可也。特聖人繫爻。不言陰剥陽。但言處剥之道。此便是扶陽抑陰挽回世道之意。雖然。亦卦爻本有此象。聖人因而發之。陰陽消長固有自然之勢。人事之盡自有轉移之妙也。

上九碩果不食。君子得輿。小人剥廬。

傳諸陽消剥已盡。獨有上九一爻尚存。如碩大之果不

見食。將見復生之理。上九亦

一作一作已變

則純陰矣。然陽

无可盡之理。變於上則生於下。无間可容息也。聖人發

明此理以見陽與君子之道不可亡也。或曰：剥盡則爲純坤，豈復有陽乎？曰：以卦配月，則坤當十月，以氣消息言，則陽剥一有盡字爲坤，陽一有復字來爲復。然一有字陽未嘗盡也。剥盡於上，則復生於下矣。故十月謂之陽月，恐疑其无陽也。陰亦然。聖人不言耳。陰道盛極之時，其亂可知。亂極則自當思治，故衆心願載於君子，君子得輿也。詩匪風下泉，所以居變風之終也。理既如是，在卦亦衆陰宗陽爲共載之象。小人剥廬，若小人則當剥之極，剥其廬矣。无所容其身也。更不論爻之陰陽，但言小人處剥極則及其廬矣。廬取在上之象。或曰：陰陽之消一作必待

盡而後復生於下。此在上。便有復生之義。何也。夫之上
六。何以言終有凶。曰。上九居剝之極。止有一陽。陽无可
盡之理。故明其有復生之義。見君子之道不可亡也。夫
者。陽消陰。陰小人之道也。故但言其消亡耳。何用更言
却有復生之理乎。或問十月何以謂之陽月。程子曰。十
月謂之陽月者。陽盡恐疑於无陽也。
故謂之陽月也。然何時无陽。如日有夜光之類。蓋陰陽
之氣有常存而不移者。有消長而无窮者。○或問伊川
云。陽无可盡之理。剝於上則生於下。无間可容息也。變
於上則生於下矣。乃剝復相因之理。畢竟須經由坤。坤
卦純陰无陽。如此則陽有斷滅也。何以能生於復。朱子
曰。凡陰陽之生。一爻當一月。須是滿三十日方滿。得那
腔子做得一畫成。今坤卦非是无陽。陽始生甚微。未滿
那腔子。做一畫未成。非是坤卦純陰便无陽也。然此亦
不是甚深奧事。但伊川當時解不曾用分曉道與人。故令
人做一件大事看。○自觀至剝三十日。剝方盡。自剝至

坤三十日方成坤。三十日陽漸長至冬至方是一陽第
二陽方從此生。陰剥每日剥三十分之一。一月方剥得
盡。陽長每日長三十分之一。一月方長得成一陽。陰剥
時。一日十二刻亦每刻中漸漸剥。全一日方剥得三十
分之一。陽長之漸亦如此。問十月何以爲陽月。曰。剥盡
爲坤。復則一陽生也。復之一陽不是頓然便生。乃是自
坤卦中積來。且一月三十日。以復之一陽分作三十分。
從小雪後便一日生一分。上面趨得一分。下面便生一
分。到十一月半。一陽始成也。以此便見得天地无休息
處。○雙峯饒氏曰。十月雖當純坤之月。而其序介乎剥
復二卦之間。以言乎前半月。則有剥而未盡之陽。小雪
以前以言乎後半月。則有復而方生之陽。小雪以後剥
之陽方盡於上。而復之陽已生於下矣。是烏得爲無陽
乎。知十月之非无陽。則四月之非无陰亦可知矣。此陰
陽消息之理至精至微。自程傳始發之。然所言者其理
耳。而未有以驗其氣數之必然也。朱子又從而推明之
曰。是當以一爻分三十分。陰陽曰進退一分。剥之陽剥
於九月之霜降。而盡於十月之小雪。復之陽則生於小
雪而成於十一月之冬至。夬之陰決於三月之穀雨。而
盡於四月之小滿。始之陰則生於小滿而成於五月之

夏至。於是理與數合。然後知陰陽絕續之際。果无一息之間。斷而程子之言為益信矣。○建安丘氏曰。剥爛也。復反也。剥之上九變則為復之初九。自最高而最下。自剥爛而復生。故有碩果不食之象。木脫僵立。幾无一毫生意者。此純坤之象也。而生意已在其根矣。此自坤而復也。木末猶有碩大之果。不為人所食。則亦剥爛墜而已矣。墜則生之所起。果中有核。實也。核中有仁。仁也。仁則生矣。此自剥而復也。陽无可盡之理。故剥即為復。不必六自坤而復也。

本義

一陽在上。剥未盡而能復生。君子在上。則為衆陰

所載。小人居之。則剥極於上。自失所覆而元復。碩果得

輿之象矣。取象既明。而君子小人其占不同。聖人之情

益可見矣。

朱子曰。上九一陽在上。如碩大之果。人不及食而獨留。如君子在上。而小人皆載於下。則

是君子之得輿也。然小人雖載君子。而乃欲自下而剥之。則是自剥其廬耳。蓋唯君子乃能覆蓋小人。小人必

賴君子以保其身。今小人欲剥君子。則君子亡而小人亦無所容其身。如自剥其廬也。且看自古小人欲害君子。到害得盡後。國破家亡。其小人曾有存活得者否。故聖人於象曰。君子得輿。民所載也。小人剥廬。終不可用也。若人占得此爻。則為君子之所為者必吉。而為小人之所為者必凶矣。其象如此。而理在其中矣。○小人剥廬。是說陰到這裏。時把他這些陽都剥了。此是自剥其廬。舍元安身已處。衆小人託這一君子為茫覆。若更剥其廬。是已剥其廬。舍便不成剥了。○臨川吳氏曰。下五陽皆已剥。獨存一陽在上。如木之果實皆已落。獨一碩大之果不為人所食。而猶在木末。君子謂一陽。坤為輿。五陰承載上九之一陽。如人之在車上。君子筮得此爻。則其象為得輿。而占亦如之。小人謂上九變為柔也。一陽上覆五陰。有廬之象。奇變為偶。則如廬之破壞穿漏。其上而無以蓋覆其下。故小人筮得此爻。則其象為剥廬。而占亦如之也。○雲峯胡氏曰。艮為果。蔞上陽下陰。果陽而蔞陰。乾為木果。衆陽皆變而上獨存有碩果不食象。果中有仁。天地生生之心存焉。此一陽也。在坤之月。則剥之盡而復生。在此則剥未盡而能復生。指陽之性言也。故有取於碩果不食之象。碩果專以象言。得輿

剥廬兼象占而言。小人剥廬亦戒辭也。牀上之藉下以安者也。廬下之藉上以安者也。始而剥牀欲上失所安。今而剥廬自失所安矣。自古小人欲害君子亦豈小人之利哉。

象曰。君子得輿民所載也。小人剥廬終不可用也。

傳正道消剥既極則人復思治故陽剛君子為民所承

載也。若小人處剥之極則小人之窮耳終不可用也。非

謂九為小人。但言剥極之時小人如是也。建安丘氏曰。


在五陰之上而為陰所剥也。故卦以上九為主。其曰碩

果不食幸一陽之存也。在下五陰爻則有與乎陽者吉。

无與乎陽者凶。六三應陽則无咎。六五承陽則无不利。

以其有與乎陽也。餘三陰无陽可與則皆謂之凶。然初六六二去陽遠而剥未盡故初蔑貞凶。二亦蔑貞凶也。至六四則已迫乎陽而剥極矣。故不言蔑貞而直言凶也。○雙湖胡氏曰。下四陰爻雖因已成之卦繫辭其實各原其初剥陽言之。蓋卦本純乾也。初之蔑貞其始之

時乎。二之茂貞。其遯之時乎。但以剥陽為茂貞。不以位論矣。三之无咎。其否之時乎。四之凶。其觀之時乎。五之以官人。寵。正當剥之時也。聖人既於觀四別取觀國之光義。而於利五又取率群陰以受制於陽為利焉。至上九直象之以不食之碩果。其扶陽抑陰之意每如此夫。



震下
坤上

傳

復序卦物不可以終盡剥窮上反下故受之以復物

无剥盡之理故剥極則復來。

一无來字

陰極則陽生陽剥極

於上而復生於下窮上而反下也復所以次剥也為卦

一陽生於五陰之下陰極而陽復也歲十月陰盛既極

冬至則一陽復生於地中故為復也陽君子之道陽消

極而復反君子之道消極而復長也故為反善之義

朱子

曰。十月坤卦皆純陰。自交過十月。節氣固是純陰。然潛陽在地下。已旋生起來了。且以一月分作三十分。細以時分之。是三百六十分。陽生時。逐旋生。生到十一月冬至。方生得就一畫陽。這一畫是卦中六分之一。在地下。二畫又較在上面。則箇至三陽。則全在地上矣。四陽五陽六陽。則又層層在上面去。不解到冬至時。便頓然生得一畫。又曰。陽无驟生之理。如冬至前半月。中氣是小雪。陽已生三十分之一分。到得冬至前幾日。須已生到二。十七。八分。到至日。方始成一畫。不是昨日全无。今日一旦便復了。大抵剥盡處。便生。如列子所謂運轉无已。天地密移。疇覺之哉。凡一氣不頓進。一形不頓虧。亦是不覺其進。不覺其虧。蓋陰陽浸消浸長。人之一身。自少至老。莫不皆然。○天運流行。本無一息間斷。豈解一月无陽。且如木之黃落時。萌芽已生了。不特如此。木之冬青者。必先萌芽。而後舊葉方落。若論變時。天地无時不變。如楞嚴經第二卷。首段所載。非唯一歲有變。月亦有之。非唯月有變。日亦有之。非唯日有變。時亦有之。但人不知耳。此說亦是。○天地中間。此氣升降上下。當分爲六層。十一月冬至。自下面第一層生起。直到第六層。二至。天爲四月。陽氣纔生足。便消。下面陰氣便生。只是這

一氣升降循環不已。往來乎六層之中也。大抵發生都只是一箇陽氣。只是有消長。上面陽消一分。下面便陰長一分。又不是別計箇陰來。只是陽消處便是陰。故陽來謂之復。復是本來物事。陰來謂之姤。姤是偶然相遇。○臨川吳氏曰。復還反也。冬至之前六陽消盡而爲純坤。冬至之後一陽還反而生於下也。○隆山李氏曰。承剥之後而一陽來復。乃生生之本也。天地之運。一息不留。剥終復始。不容少緩。若稍遲不及。則生理息也。

復亨。出入无疾。朋來无咎。

傳復亨既復則亨也。陽氣復生於下。漸亨盛而生育萬物。君子之道既復則漸以亨通澤於天下。故復則有亨盛之理也。出入无疾。出入謂生長復生於內入也。長進於外。出也。先云出。語順耳。陽生非自外也。來於內故謂之入。物之始生其氣至微。故多屯艱。陽之始生其氣至

微故多摧折。春陽之發爲陰寒所折。觀草木於朝暮則
可見矣。出入无疾。謂微陽生長无害之者也。既无害之。
而其類漸進而來。則將亨盛。故无咎也。所謂咎在氣則
爲差忒。在君子道一有之則爲抑塞。不得盡其理。陽之當
復。雖使有疾之固。不能止其復也。但爲阻礙耳。而卦之
才有无疾之義。乃復道之善也。一陽始生至微。固未能
勝群陰而發生萬物。必待諸陽之來。然後能成生物之
功。而无差忒。以朋來而无咎也。三陽子丑寅之氣。生成
萬物。衆陽之功也。若君子之道。既消而復。豈能便勝於
小人。必待其朋類漸盛。則能協力以勝之也。
或問復一陽動於下

而云朋來无咎何也。朱子曰。方一陽生。未有朋類。畢竟是陽長將次並進。以其為君子之道。故亨通而无咎也。

反復其道。七日來復。利有攸往。

反復之復。若福反。又作覆。豕同。

傳謂消長之道。反復迭至。陽之消至七日而來復。始陽

之始消也。七變而成復。故云七日。謂七更也。臨云八月

有凶。謂陽長至於陰長。歷八月也。陽進則陰退。君子道

長則小人道消。故利有攸往也。

程子曰。近取諸身。百理皆具。屈伸往來之義。只

於鼻息之間見之。屈伸往來只是理。不必將既屈之氣復為方伸之氣。生生之理自然不息。如復言七日來復。

其間元不斷續。陽已復生。物極必返。其理須如此。有生便有死。有始便有終。又曰。凡物之散。其氣遂盡。元復歸

本原之理。天地間如紅爐。雖生物消鑠亦盡。況既散之氣豈有復在。天地造化。又焉用此既散之氣。其造化者

自是生氣。至如海水潮。日出水涸。是潮退也。其涸者已无也。月出則潮水生也。非却是將已涸之水為潮。此是

氣之終始。開闔便是
易。一闔一闢謂之變。



復陽復生於下也。剥盡則爲純坤十月之卦。而陽

氣已生於下矣。積之踰月。然後一陽之體始成。而來復
故十有一月其卦爲復。以其陽既往而復反。故有亨道。
又內震外坤。有陽動於下而以順上行之象。故其占又
爲已之出入。既得无疾。朋類之來亦得无咎。又自五月
姤卦一陰始生。至此七爻而一陽來復。乃天運之自然。
故其占又爲反復。其道至於七日當得來復。又以剛德
方長。故其占又爲利有攸往也。反復其道。往而復來。來
而復往之意。七日者所占來復之期也。

朱子曰。七日來復者。終不是已。

往之陽重新將來復生。舊底已自過了。這裏自然生出
來。又曰。復反也。言陽氣既往而來復也。夫大德敦化而
川流不窮。豈假乎既消之氣以爲方息之資也哉。亦見
其絕於彼而生於此。而因以著其往來之象爾。唯人亦
然。大和保合。善端元窮。所謂復者。非曰追夫已放之心
而還之。錄夫已棄之善而屬之也。亦曰不肆焉以騁於
外。則本心全體即此而存。固然之善自有所不能已耳。
○隆山李氏曰。陽反而復。生生之氣自此萌動。故曰復
亨。又曰。於臨曰八月有凶。於復則曰七日來復。陽消而
數月者。幸其消之遲。陽長而數日者。幸其長之速也。○
節齋蔡氏曰。陽自建午之月漸消漸剥。至建子之月而
爲復。在卦經七爻。於時經七月。故曰七日來復。不言月
而言日者。猶詩所謂一之日二之日也。○鄭氏剛中曰。
七者陽數。日者陽物。故於陽長言七日。八者陰數。月者
陰物。臨剛長以陰爲戒。故曰八月。○雲峯胡氏曰。本義
於剥之碩果曰剥未盡而復生。至此則曰剥盡爲純坤。
十月之卦而陽氣已生於下。蓋陽无頓生之理。故先天
卦序。剥而坤。坤而後復。陽无可盡之理。故後天卦序。則
以復次剥。其曰剥未盡而能復者。指果中之仁而言也。
可見其所以爲元者未嘗息。其曰坤十月陽氣已生於

下。積之踰月然後一陽之體始成而來復。可見其所以至於亨者未嘗驟前乎此。自姤而剥陰在內為主。陽常行逆境。今自利而復。陽在內為主。陽方行順境。故其占為亨。已之出入而得无疾者。一陽順而亨也。朋類之來亦得无咎者。衆陽順而亨也。是皆陽順而動之象也。反復其道。統言陰陽往來其理如此。七日來復。專言一陽方來其數如此。利有攸往。則其占又言一陽之長。可往而為臨。為泰。以至於乾也。

彖曰復亨剛反

本義

剛反則亨

朱子曰。剛反二字。是解復亨。下云動而

解得易極分明。子細尋索。儘有條理。○臨川吳氏曰。剛反。釋復字。而亨之意在其中。剛既反。則日長日盛。而亨矣。○建安丘氏曰。此云剛反。言剥之一剛窮上反下。而為復也。下文剛長。言復之一剛自下進上。為臨。為泰。以至為乾也。以其既去而來反也。故亨。以其既反而漸長也。故利有攸往。剛反。言方復之初。剛長。言已復之後。

動而以順行是以出入无疾朋來无咎

傳復亨謂剛反而亨也。陽剛消極而來反。既來反則漸

長盛而亨通矣。動而以順行。是以出入无疾。朋來无咎。

以卦才言其所以然也。下動而上順。是動而以順行也。

陽剛反而順動。是以得出入无疾。朋來而无咎也。朋之

來亦順動也。

彖

以卦德而言

進齋徐氏曰。動而以順行者。震動之始。以坤順

而行也。出入朋來。陽之動也。无疾无咎。以順行也。○龜山楊氏曰。一陽復于下。而五陰在上。則陽微而陰猶盛。

小人衆而君子獨。動而不以順行。則疾之者至。身不能保。尚何朋來之有。○潘氏夢旂曰。剥以順而止。復以順

而行。君子處道消之極。至道長之初。未嘗一毫之不以順也。

反復其道七日來復天行也

義

陰陽消息天運然也

朱子曰。反復其道七日來復。天行也。消長之道自然如此。

故曰天行處陰之極。亂者復治。往者復還。凶者復吉。危者復安。天地自然之運也。○龜山楊氏曰。四時之變。沒而為寒暑。固非一日之積也。天且不能暴為之。況於人乎。

利有攸往。剛長也。

長丁丈反

本義

以卦體而言。既生則漸長矣。

雙湖胡氏曰。剛長則自復而臨而泰而壯。

夫至于乾。其勢自不容禦矣。○平庵項氏曰。剥曰不利有攸往。小人長也。復曰利有攸往。剛長也。易之意。凡以為君子謀也。○鄱陽董氏曰。自外而入者曰來。自內而出者曰往。疾之者眾。則未可往。无疾則利於往矣。消息盈虛。天命之自然。而君子不謂命也。上文言出入无疾而後朋來无咎。朋來无咎而後利有往。蓋常不以天命之自來者為幸。而深以人情之難測者為憂。何也。來者微而疾其來者眾也。來者微則豈可遽以自幸。疾其來者眾則豈可不善於自養哉。

復其見天地之心乎

傳

其道反復往來迭消迭息

也。一有字七日而來復者天地

之運行如是也。消長相因。天之理也。陽剛君子之道長。

故利有攸往。一陽復於下。乃天地生物之心也。先儒皆

以靜為見天地之心。蓋不知動之端。乃天地之心也。非

知道者孰能識之。

程子曰。復其見天地之心。一言以蔽之。曰。天地以生物為心。○復卦非天

地之心。復則見天地之心。聖人元復。故未嘗見其心。○

人說復。其見天地之心。皆以為至靜。能見天地之心。非

也。復之卦。下面一畫。便是動也。安得謂之靜。自古儒者

皆言靜。見天地之心。唯某言動。而見天地之心。問莫是

於動處求靜否。曰。固是。然最難。○張子曰。復見天地之

心。咸恒遯壯。見天地之情。心隱於微。情發乎顯。○或問

程子言動之端。乃天地之心。切謂十月純坤。不為元陽。

天地生物之心。未嘗間息。但未動耳。因動而生物之心。

始可見。朱子曰。十月陽氣收斂。一時關閉得盡。天地生

物之心。固未嘗息。但元端倪可見。惟一陽動。則生意始

發露出。乃始可見端緒也。言動之頭緒於此處起。於此處方見得天地之心也。○問天地之心動處如何見得。曰。這處便見得陽氣發生其端已兆於此。春了又冬。冬了又春。都從這裏發去。事物間亦可見。只是這裏見得較親切。問動之端乃心之發處。何故云天地之心。曰。此須就卦上看。上坤下震。坤是靜。震是動。十月純坤。當貞直之時。萬物收斂。寂无蹤跡。到此一陽復生。便是動。然不到大段動處。凡發生萬物。都從這裏起。雖動而物未生。未靜而復乃未發之體。動而通焉。則已發之用。一陽來復。其始生甚微。固若靜矣。然其實動之機。其勢曰長。而萬物莫不資始焉。此天命流行之初。造化發育之始。天地生生不已之心。於是而可見矣。若其靜而未發。則此心之體。雖无所不在。然却有未發處。此程子所以以動之端為天地之心。亦舉用以該其體爾。○程子說天地以生物為心最好。此乃是无心之心也。又曰。天地若果无心。則須牛生出馬。桃樹上發李花。他又却自定。心便是主宰處。所以謂天地以生物為心也。又曰。天地之心動後方見。聖人之心應事接物方見。○程子云。聖人无復。

故未嘗見其心。且堯舜孔子之心。千古常在。聖人之心。周流運行。何往而不可見。若言天地之心。如春生發育。猶是顯著。此獨曰聖人元復未嘗見其心者。只爲是說復卦繫辭曰。復小而辨於物。蓋復卦是一陽方生於群陰之下。如幽暗中一點白。便是小而辨也。聖人贊易而曰。復見天地之心。今人多言唯是復卦可以見天地之心。非也。六十四卦无非天地之心。但於復卦忽見一陽之復。故即此而贊之爾。論此者。當知有動靜之心。有善惡之心。各隨事而看。今人乍見孺子將入井之時。此心未動。只而見其側隱之心。未有孺子將入井之時。此心未動。只靜而已。衆人物欲昏蔽。便是惡底心。及其復也。然後本然之善心可見。聖人之心。純於善而已。所以謂未嘗見其心者。只是言不見其有昏蔽。忽明之心。如所謂幽暗中一點白者而已。但此等語話。只可就此一路看去。纔轉入別處。便不分明也。不可不知。又曰。天地之氣。所以有陽之復者。以其有陰故也。衆人之心。所以有善之復者。以其有惡故也。若聖人之心。則天理渾然。初无間斷。人孰得以窺其心之起滅耶。若靜而復動。則亦有之。但不可以善惡而爲言耳。○復非天地心。復則見天地心。蓋天地以生物爲心。而此卦之下一陽爻。即天地所以

生物之心也。至於復之得名。則以此陽之復生而已。猶言臨泰大壯夬也。但於其復而見此一陽之萌於下。則是其因其復而見天地之心耳。○伊川與濂溪說復字不同。濂溪就坤上說。就回來處說。如云利貞者。誠之復。誠心復其不善之動而已矣。皆是就歸來處說。伊川却正就動處說。如元亨利貞。濂溪就利貞上說復字。伊川就元字頭說復字。以周易卦爻之義推之。則伊川之說為正。然濂溪伊川之說。道理只一般。非有所異。只是所指地頭不同。以復卦言之。下面一畫便是動處。伊川云下面一爻正是動。如何說靜得。看來伊川說得較好。

本義

積陰之下一陽復生。天地生物之心。幾於滅息而

至此乃復可見。在人則為靜極而動。惡極而善。本心幾息而復見之端也。程子論之詳矣。而邵子之詩亦曰。冬至子之半。天心无改移。一陽初動處。萬物未生時。玄酒味方淡。大音聲正希。此言如不信。更請問包羲。至哉言

也學者宜盡心焉

或問復見天地之心。朱子曰。三陽之時。萬物蕃新。只見物之盛大。天地之

心却不可見。唯是一陽初復。萬物未生。冷冷靜靜。而一陽既動。生物之心闢然而見。雖在積陰之中。自掩藏不得。此所以必於復見天地之心也。又曰。要說得見字親切。蓋此時天地之間。无物可見。天地之心。只有一陽初生。淨淨潔潔。見得天地之心在此。若是三陽發生。萬物之後。則天地之心盡散在萬物。不能見得如此端的。○問生理。初未嘗息。但到坤時。藏伏在此。至復乃見其動之端否。曰。不是如此。這箇只是就陰陽動靜闢闢消長處而言。如一堆火。自其初發。以至漸漸發過。消盡為灰。其消之未盡處。固天地之心也。然那消盡底。亦天地之心也。但那箇不如那新生底。鮮好。故指那接頭再生者言之。則可以見天地之心親切。如云利貞者。性情也。一元之氣。亨通發散。品物流形。天地之心盡發。見在品物上。但叢雜難看。及到利貞時。萬物悉已收斂。那時只有箇天地之心。丹青著見。故云利貞者。性情也。正與復其見天地之心相似。康節云。一陽初動處。萬物未生時。蓋萬物生時。此心非不見也。但天地之心。悉已布散叢雜。无非此理。呈露倒多了難見。若會看者。能於此觀之。則

所見无非天地之心矣。唯是復時萬物皆未生。只有一箇天地之心。昭然著見在這裏。所以易看也。○靜極而動。聖人之復。惡極而善。常人之復。但常人也有靜極而動。底時節。聖人則不復有惡極而善之復。問一陽之復。在人言之。只是善端萌處否。曰。以善言之。是善端方萌處。以惡言之。昏迷中有悔悟。向善意便是復。如睡到忽然醒覺處。亦是復氣象。又如人之沉滯。道不得行。到極處。忽小亨。道雖未大行。已有可行之兆。亦是復。這道理千變萬化。隨所在。无不渾淪。問今寂然至靜在此。若一念之動。此便是復否。曰。恁地說不盡。復有兩樣。有善惡之復。有動靜之復。兩樣復。自不相須。須各看得分曉。終日營營與萬物並馳。忽然有惻隱是非羞惡之心。發見此善惡爲陰陽也。二者各不同。須推教子細。○問冬至子之半。曰。康節此詩最好。故某於本義特載之。蓋立冬是十月初。小雪是十月中。大雪十一月初。冬至十一月中。小寒十二月。初。大寒十二月。中。冬至子之半。即十一月之半也。人言夜半子時。冬至。蓋夜半以前一半已屬子時。今推五行者多不知之。然數每從這處起。略不差移。此所以爲天心。然當是時。一陽方動。萬物未生。未有聲臭。

氣味之可聞可見。所謂玄酒味方淡。大音聲正希也。○問天心。无改移。謂何。曰。年年歲歲是如此。月月日是如此。○一陽初動處。萬物未生時。此是欲動未動之間。如怵惕。○隱於赤子入井之初。方怵惕。○隱而未成。怵惕。○隱之時。故上云。冬至子之半。是康節常要就中間說。子之半。則是未成。子方離於亥。而爲子。方四五分。是他常要如此說。常要說陰陽之間。動靜之間。便與周程不同。周程只是體用動靜互換。无極。康節只要說循環。便須指消息動靜之間而言。○西溪李氏曰。窮冬積陰之時。幾於无生意矣。而陽氣已動於黃泉之下。猶之人焉。方其物慾之深也。幾於无天理矣。而性善之端。要不可泯也。必有時而發。就其發處觀之。則天地之心見矣。○臨川吳氏曰。草木不斂其液。則不能以敷榮。昆虫不蟄其身。則不能以振奮。此人之所以貴於復。而復之所。以貴於靜也。寂者。感之君。翕者。闢之根。冬之藏。一歲之復也。夜之息。一日之復也。喜怒哀樂之未發。須臾之復也。○雲峯胡氏曰。天地生物之心。即人之本心也。皆於幾熄而復萌之時見之。本義辭尚簡要。未嘗泛引古語。此則全引康節詩。殊有意也。朱子詩曰。忽然夜半一聲雷。萬戶千門次第開。識得无中含。有處許君親見伏羲。

來。學者有得於此詩。則可以知康節之詩矣。

象曰：雷在地中。復。先王以至日閉關。商旅不行。后不省方。

傳：雷者。陰陽相薄而成聲。當陽之微。未能發也。雷在地

中。陽始復之時也。陽始生於下。而甚微。安靜一作順而後

能長。先王順天道。當至日。陽之始生。安靜以養之。故閉

關。使商旅不得行。人君不省視四方。觀復之象。而順天

道也。在一人之身亦然。當安靜以養其陽也。程子曰：聖人无一事

不順天時。故至日閉關。

義：安靜以養微陽也。月令是月。齋戒掩身。以待陰陽

之所定。朱子曰：一陽來復。與雷在地中。只是一義。蓋陽生於閉藏之中。至微而未可有為之時也。問

陽始生。其甚微。安靜而後能長。故復之象曰：先王以至日閉關。人於途。途之復。其善端之萌。亦甚微。故須莊敬持養。然後能大。不然復亡之矣。曰：然。○至日閉關。正是於已動之後。要安靜以養之。蓋一陽初復。其氣甚微。勞動他不得。故當安靜以養微陽。如人善端初萌。正欲靜以養之。方能盛大。又曰：古人所以四十強而仕者。前面許多年。亦且養其善端。若一下便出來與事物衮了。豈不壞事。○建安丘氏曰：地靜雷動。雷在地中。靜養動也。關宜開者也。而閉之。商旅出。諸塗者也。而不行。古者歲十一月朔。巡守。而后於是日。則不省方。皆法雷在地中之義。而養微陽也。○丹陽都氏曰：舜十一月朔。巡守。而此言后不省方。則知巡守者是月也。不省方者。是月之至日也。○潛室陳氏曰：一陽復於地下。即是動之端。但萌芽方動。當靜以候之。不可擾也。故卦辭言出入无疾。而象言閉關息民。蓋動者天地生物之心。而靜者聖人裁成之道也。○雙峯饒氏曰：閉關休息。所以培養生意。使之深潛固密。而无所泄。于以順陰而固陽也。推此以往。則政事云為之間。凡可以扶陽抑陰而參贊化育者。必將无所不用其至矣。○雲峯胡氏曰：安靜以養微陽。大象從事上說。本義引月令從身上說。其教人之意深矣。

初九不遠復。无祇悔。元吉。

傳復者陽反來復也。陽君子之道。故復爲反善之義。初剛陽來復。處卦之初。復之最先者也。是不遠而復也。失而後有復。不失則何復之有。唯失之不遠而復。則不至於悔。大善而吉也。祇宜音抵。抵也。玉篇云適也。義亦同。无祇悔。不至於悔也。坎卦曰祇既平。无咎。謂至既平也。顏子无形顯之過。夫子謂其庶幾。乃无祇悔也。過既无形而改。何悔之有。既未能不勉而中。所欲不踰矩。是有過也。然其明而剛。故一有不善。未嘗不知。既知。未嘗不遽改。故不至於悔。乃不遠復也。祇陸德明音支。玉篇五經

文字羣經音辨並見衣部



一陽復生於下復之主也

祗抵也。又居事初失之未遠能復於善不抵於悔大善

而吉之道也。故其象占如此

或問无祗悔祗字何訓朱子曰書中祗字只有這祗

字使得別看來只得解做至字又有訓多為祗者如多見其不知量也多祗也祗與只同○建安丘氏曰坤上

震下為復上體乃坤而靜之時下體乃震而動之始初九又復而反之機初以一陽為五陰之主居復之最先

不遠而復故不至於悔而得大善之吉者也復以脩身唯不貳過之顏子其殆庶幾乎○西溪李氏曰一陽在

內天地之心性善之端也故六爻以復善為義○南軒張氏曰復之初九震體也微動之時也當是時而能復

焉則去无妄不遠矣及其守之固居之安則纖毫不萌即无妄也即誠也即天之道也即聖人之心也○雲峯

胡氏曰春秋公孫敖如京師不至而復公如晉至河乃復皆以不極其往為復復善貴早故易以不極其往者

言之善失之遠而復必至有悔唯失之未遠而即復所以不祗於悔元吉本義云大善而吉是從事上說一本

作向善而吉。是從心上說。讀者詳焉。

象曰。不遠之復。以脩身也。

傳

不遠而復者。君子所以脩其身之道也。學問問一無之

道无他也。唯其知不善。則速改以從善而已。

雙峯饒氏曰。人之

心。善端縣縣。本自相續。念慮之間。雖或小有所差。而其懷然不自安之意。已萌於中。是即天地生物之心之所呈露。而孟子所謂休惕惻隱之心者也。人唯省察克治之功。不加。雖有為善之幾。而无反善之實。是以縱欲妄行。而其悔至於不可追也。善用力者。誠能因是心之萌而速反之。使不底於悔焉。則人欲去而天理還矣。此不遠之復。以脩身也。

六二。休復吉。

傳

二雖陰爻。處中正而切比於初。志從於陽。能下仁也。

月夕作義九卷九
三十三

復之休美者也。復者復於禮也。復禮則為仁。初陽復。復

於仁也。二比而下之。所以美而吉也。**彖**柔順中正。近

於初九而能下之。復之休美吉之道也。或問休復之吉

曰。初爻為仁人之體。六二爻能下之。謂附下於仁者。學

莫便於近乎仁。既得仁者而親之。資其善以自益。則力

不勞而學美矣。故曰休復吉。○建安丘氏曰。人不能皆

賢親賢則賢矣。六二下仁之謂也。卦惟初九一爻為陽

二非陽而能下之。則陰變而陽。小入變而君子。而復之

六二亦變為臨之九二矣。烏得而不吉哉。○雲峯胡氏

曰。遯貴遠莫遠於上九。而九五能比之。故嘉遯。遯之

象曰。休復之吉。以下仁也。

休復。復之美者也。里仁為美。亦此意歟。

傳

為復之休美而吉者。以其能下仁也。仁者天下之公。

善之本也。初復於仁。二能親而下之。是以吉也。

進齋徐氏曰。仁。

謂初剛。剛復於下。在人則則隱之心。仁之端也。初不遠復。二從初而復。故曰以下仁也。○南軒張氏曰。易三百

八十四爻。未嘗言仁。此獨言之。夫子蓋有深旨。克己復禮為仁。克其私心。復其天理。所以為仁。二去初未遠。上

无係應。能從初而復。所以為下仁也。至四但言以從道也。而不謂之仁矣。蓋道者舉其大凡。不若仁為切至也。

○李氏閔祖曰。天下之公。是无一毫私心。善之本。是萬善從此出。○西山真氏曰。伊川語錄中說仁者以天地

萬物為一體。說得太寬。无捉摸處。易傳只云四德之元。猶五常之仁。偏言則一事。專言則包四者。又云仁者天

下之公。善之本也。只此兩處說仁極平正。確實學者且當玩此。此是程子手筆也。

六三。頻復。厲无咎。

傳三以陰躁處動之極。復之頻數而不能固者也。復貴

安固。頻復。頻失不安於復也。復善而屢失危之道也。聖

人開遷善之道與其復而危其屢失故云厲无咎不可
以頻失而戒其復也頻失則為危屢復何咎過在失而
不在復也

本義

以陰居陽不中不正又處動極復而不

固屢失屢復之象屢失故危復則无咎故其占又如此

誠齋楊氏曰頻復非危頻過為危復義故无咎聖人危
其頻過故曰厲以警之聞其頻復故曰无咎以勸之○
雲峯胡氏曰三上下進退之間故曰頻巽以柔為主九
三剛而不中失之失以其比柔故頻巽復以剛為主六
三柔而不中失之失以其比柔位剛故頻
復然頻巽各頻復雖厲无咎此又不同也

象曰頻復之厲義无咎也

傳頻復頻失雖為危厲然復善之義則无咎也

臨川吳氏曰頻

雖有厲復則能補過
矣故於義為无咎也

六四中行獨復

傳此文之義最宜詳玩。四行群陰之中而獨能復自處

於正下。應於陽剛。其志可謂善矣。不言吉凶者。蓋四以柔居群陰之間。初方甚微。不足以相援。无可濟之理。故聖人但稱其能獨復而不欲言其獨從道而必凶也。曰。然則不言无咎何也。曰。以陰居陰柔弱之甚。雖有從陽之志。終不克濟。非无咎也。

本義

四處群陰之中而獨與

初應。爲與衆俱行而獨能從善之象。當此之時。陽氣甚微。未足以有爲。故不言吉。然理所當然。吉凶非所論也。董子曰。仁人者。正其義。不謀其利。明其道。不計其功。於

剥之六三及此文見之

但徠石氏曰處上下四陰之中。故曰中行。不從其類而下應初。

故曰獨復。

○節初齊氏曰。中者。隨時取義。非一定之謂也。就上下二卦。則二五為中。就五陰爻。則四為中。此所謂

謂時中也。○雲峯胡氏曰。泰二夬五曰中行。二五上下之中也。益三四曰中行。三四在一卦之中也。此曰中行。六

四在五陰之中也。然則二五之中。中

也。或以三四為中。隨時以取中也。

象曰。中行獨復。以從道也。

傳稱其獨復者。以其從陽剛君子之善道也。

○雲峯胡氏曰。脩身以

道。脩道以仁。小象曰。脩身曰仁。曰道。惟初九當之。○白雲郭氏曰。剥六三乃復。六四反對。其義相類。在剥取其

失上下以應乎陽。在復則取其獨復以從道。

六五敦復无悔。

傳六五以中順之德處君位。能敦篤於復善者也。故无

悔雖本善戒亦在其中矣陽復方微之時以柔居尊下復无助未能致亨吉也能无悔而已

義

以中順居尊

而當復之時敦復之象无悔之道也

節齋蔡氏曰敦厚也坤象復主初陽

五雖與初无繫而處位得中能自厚於復者也可以无悔○雲峯胡氏曰諸家於此文皆輕看殊不知不遠復者善心之萌敦復者善行之固故初九无祇悔敦復則其復也无轉移可无悔矣又曰不遠復入德之事也敦復其成德之事歟○隆山李氏曰易中陽長之卦凡在上陰柔之主則未嘗不附而順之无所於逆故復為一陽之長而六五則以敦復无悔臨為二陽之長而六五則以知臨為宜泰為三陽之長而六五則以帝乙歸妹為社大壯為四陽之長而六五則以喪羊于易无悔諸卦六五爻大率皆以下順陽剛而得居上之體作易者當陽長之世以此垂訓要之皆所以為君子地云耳

象曰敦復无悔中以自考也

傳以中道自成也。五以陰居尊處中而體順能敦篤其

志以中道自成則可以无悔也。自成謂成其中順之德

本義

考成也

建安丘氏曰。二四待初而復。故曰下仁曰從道。五不待初而復。故曰自考。二四其學

力之功。五其天質之美歟。

上六迷復凶。有災眚。用行師終有大敗。以其國君凶。至于

十年不克征。

傳

以陰柔居復之終。終迷不復者也。迷而不復其凶可

知。有災眚。災天災自外來。眚已過由自作。既迷不復善

在已則動皆過失。災禍亦自外而至。蓋所招也。迷道不

復无施而可用。以行師則終有大敗。以之爲國則君之

凶也。十年者數之終。至於十年不克征。謂終不能行。既

迷於道。何時而可行也。

或問伊川言災自外來。青自內作。是否。朱子曰。看來只一般。微

有不同耳。災是偶然生於彼者。青是過誤致然。書曰。青災肆赦。春秋曰。肆大青。皆以其過誤而赦之也。

義

以陰柔居復終。終迷不復之象。凶之道也。故其占

如此。以猶及也。

朱子曰。上六迷復凶。至于十年不克征。這是箇極不好底爻。故其終如此。凡言

十年三年五年七月八月三月者。想是象數中自有箇數如此。故聖人取而言之。○問上六迷復至于十年不

克征。何如。曰。過而不能改。則亦可以進善。迷而不復。自是無說。所以無往而不凶。凡言三年。猶是有箇期限。到十

年便是無說了。○進齋徐氏曰。上六位高而无下仁之美。剛遠而失遷善之機。享極而有難開之蔽。柔終而无

改過之勇。是昏迷而不知復者也。○雲峯胡氏曰。坤體而居上體之上。先迷者也。迷不持凶。又有天災有人青。

用行師終有大敗。及其國君亦凶。至于十年終不能行。甚言迷復之不可也。迷復與不遠復相反。初不遠而復。

迷則遠而不復。敦復與頻復相反。敦元轉易。頻則屢易。獨復與休復相似。休則比初。獨則應初也。十年不克征。亦七日來復之反。乾元十。坤元一。陰數極於六。而七則又為乾之始。陽數極於九。而十則自為坤之終。故凡言十年者。坤終之象也。屯十年乃字。頤十年勿用。皆互坤。○南軒張氏曰。易之爻辭。鮮有如是之詳。其凶鮮有如如是之極者。而獨於復之上六言之。蓋自古亡家覆國。反道敗德。元所不在。其源起於一念之微。不能制遏之爾。夫以陰柔之才。去本之遠。所謂人欲肆。而天理滅者。故有大敗終凶之戒也。

象曰。迷復之凶。反君道也。

傳復則合道。既迷於復。與道相反也。其凶可知。以其國

君凶。謂其反君道也。人君居上而治眾。當從天下之善。

乃迷於復。反君之道也。非止人君。凡人迷於復者。皆反

道而凶也。


雲峯胡氏曰。剝上九。民所載也。一陽在上。指眾陰之為民。復上六。反君道也。眾陰之極。表

一陽之爲君。○建安丘氏曰。復卦以初九爲主。其言不遠。復无祇悔者。喜一陽之來也。其上五陰爻。則有得乎陽者吉。无得乎陽者凶。二比初。則曰。下仁。四應初。則曰。從道。此皆有得乎陽者。餘三陰。无得乎陽者。五去初。雖遠。以居得中位。自厚於復。无悔。三處位不中。以去。初未遠。頻失而頻復者也。故雖厲而可以无咎。獨上六一爻。最遠乎初。又居一卦之窮。迷而不復者也。故凶。又曰。初爲明。睿之君子。知過則改。上也。二四爲樂。善之賢者。舍己從人。次也。六五爲不踐迹之善人。自厚其身。又其次也。六三爲改過不勇之人。復而失。失而復。抑又其次也。上六則物欲沉滯。本心喪失。下愚不移者也。尚何復之可言哉。民斯爲下矣。○雙峯饒氏曰。復卦辭專以氣數入。无疾朋來。无咎。皆是復之亨處。其所以然者。以反復其道。七日來復。故也。此是氣數之常。自然如此。若以人事言。則須不遠復。與休復方吉。敦復方无悔。獨復亦可。以免凶咎。若頻復。則雖厲而亦可以无咎。迷復則必至於凶。而有災眚矣。此皆人事所致。君子不可不慎也。○習靜劉氏曰。動靜。天道之復也。善惡。人道之復也。故彖象言動靜之復。六爻言善惡之復。復者。剛之反也。自五

周易傳義大全卷之九
三十八
及初皆以從剛為復。五之自考不如初。四之脩身三頻復。雖
道不如二之下仁。二之下仁不如初之脩身。三頻復雖
危猶知復也。上迷復
反道則不知復矣

周易傳義大全卷之九

周易傳義大全卷之十



震下
乾上

○傳无妄序卦復則不妄矣故受之以无妄復者反於道也既復於道則合合一无字正理而无妄故復之後受之以无妄也為卦乾上震下震動也動以天為无妄動以人欲則妄矣无妄之義大矣哉程子曰无妄震下乾上聖人之動以天賢人之動以人若顏子之有不善豈如衆人哉惟只在此間爾蓋猶有己焉至於無我則聖人也○隆山李氏曰人受天地之中以生天神天明本自无妄有生之後人偽誘之妄念乃起又曰乾道變化一氣冥運而生者自生化者自化无不得其性命之正夫安有所謂妄者哉○雙溪王氏曰復者賢人之事无妄者聖人之事无妄則誠而復者所以求至於无妄者也

无妄。元亨利貞。其匪正有眚。不利有攸往。

傳

无妄者。至誠也。至誠者。

一无字

天之道也。天之化育萬

物。生生不窮。各正其性命。乃无妄也。人能合无妄之道。

則所謂與天地合其德也。无妄有大亨之理。君子行无

妄之道。則可以致大亨矣。无妄。天之道也。卦言人由无

妄之道也。

一字无

利貞。法无妄之道。利在貞正。失貞正。則

妄也。雖无邪心。苟不合正理。則妄也。乃邪心也。故有一

其匪正。則為過眚。既已无妄。不宜有往。往則妄也。

或問程傳

云。雖无邪心。苟不合正理。則妄也。既无邪心。何以不合正理。朱子曰。有人自是其心。全无邪。而却不合於正理。

如賢智者過之。他其心豈曾有邪。却不合正理。佛氏亦豈有邪心者。又問莊敬持養。此心既存。亦可謂之无邪。

心矣。然知有未至。理有未窮。則於應事接物之際。不能處其當。則未免於紛擾而敬亦不得行焉。雖與流放而不知者異。然苟不合正理。則亦未免爲妄與邪心也。曰。所論甚善。但所謂雖无邪心而不合正理者。實該動靜而言。然燕居獨處之時。物有來感。理所當應。而此心頑然固執不動。則雖无邪心。而只此不動處。便非正理。又如應事接物處。理當如彼。而吾所以應之者。乃如此。則雖未必出於有意之私。然只此亦是不合正理。既有不合正理。則非邪妄而何。恐不可專以莊敬持養。此心既存爲无邪心。而必以免紛擾敬不得行。然後爲有妄心之邪也。



无妄實理自然之謂。史記作无望。謂无所期望而有得焉者。其義亦通。爲卦自訟而變九自二來而居於初。又爲震主。動而不妄者也。故爲无妄。又二體震動而乾健。九五剛中而應六二。故其占大亨而利於正。若其

不正則有眚而不利有所往也

朱子曰。无妄本是无望。這是沒理會時節。忽然

如此得來面前。朱英所謂无望之福是也。問史記作无望。若以爲无望。則是願望之望。非誠妄之妄。曰。有所願望。即是妄。但望字說得淺。妄字說得深。无妄是箇不指望。偶然底卦。忽然而有福。忽然而有禍。如人方病。忽然勿藥而瘳。是所謂无妄也。據諸爻名義。合作无望。不知孔子何故說歸无妄。○无妄自是大亨了。又却須是貞正始得。若此子不正。他那里便有災來。○无妄一卦。雖云禍福之來也。无常。然自家所守者。不可不利於正。不可以彼之无常。而吾之所守亦爲之无常也。故曰无妄元亨。利貞。其匪正有眚。若所守匪正。則有眚矣。眚。即災也。○厚齋馮氏曰。朱子謂史記作无望。自文王以來。多爲无望之義。我馬季長。鄭康成。王子雍。皆同斯義。古人用字。同聲者。義我亦通之。如豫之爲預。履之爲禮。噬嗑之爲市合。不一端而足。今觀卦內作无。所期望而有得其義多。通序卦之意。非可如此推也。蓋動出於人。則爲之而期其成。有所望也。動而聽命於天。非可期望也。○建安丘氏曰。惟其无妄。所以无望也。若其處心未免於妄。则无道以致福。而妄欲徵福。非所謂无望之福。有過於召

災而妄欲免災。非所謂无妄之災。此皆未免容心於禍福間。非所謂无妄也。若真實无妄之人。則純乎任理。禍福一付之天。而无苟得幸免之心也。○雲峯胡氏曰。朱子解中庸誠字。以為真實无妄之謂。此解无妄。則以為實理自然之謂。自然二字。已兼无所期望之意矣。其占元亨而必利於貞者。无妄誠也。正而固。誠之者也。不正則妄矣。占辭曰貞曰匪正曰利曰不利。其辭一正一反。聖人示戒深矣。

彖曰无妄剛自外來而為主於內

傳謂初九也。坤初爻變而為震。剛自外而來也。震以初爻為主。成卦由之。故初為无妄之主。動以天為无妄。動而以天動為主也。以剛變柔。為以正去妄之象。又剛正為主於內。无妄之義也。九居初正也。進齋徐氏曰。剛自外來而為主於內。以卦變言。則下體乾交坤而為震也。非本卦剛柔之往來。故曰外來。初九為震動之主爻。故曰為主於內。

動而健剛中而應大亨以正天之命也

傳下動而上健是其動剛健也剛健无妄之體也剛中

而應五以剛居中正二復以中正相應是順理而不妄

也故其道大亨通而貞正乃天之命也天命謂天道也

所謂无妄也○白雲郭氏曰動而健者動以天不以人也
龜山楊氏曰五以剛健中正位乎上二

以柔順中正應於下上下相與以正故其大亨也以正
而已大亨以正非人之私智所能為也循天理而已故
曰天之命也維天之命於穆不已所謂命者亦誠而已矣

其匪正有眚不利有攸往无妄之往何之矣天命不祐行

矣哉

傳所謂无妄正而已小失於正則為有過乃妄也所謂

匪正。蓋由有往。若无妄而不往。何由有匪正乎。无妄者。理之正也。更有往。將何之矣。乃入於妄也。往則悖於天。理。天道所不祐。可行乎哉。龜山楊氏曰。大亨以正。則亨理也。故天命所不祐。欲往安之乎。○進齋徐氏曰。行矣哉。即州里行乎哉之義。

本義

以卦變卦德卦體言卦之善如此。故其占當獲大

亨而利於正。乃天命之當然也。其有不正。則不利有所往。欲何往哉。蓋其逆天之命。而天不祐之。故不可以有

行也。

朱子曰。剛自外來說卦變。動而健說卦德。剛中而應說卦體。大亨以正說元亨利貞。伊川易傳似不

是本意。剛自外來。是所以做造无妄。動而健。是有卦後說底。○雲峯胡氏曰。本義謂自訟而來。二之剛來居初也。或謂外卦為乾。震之剛自乾來也。亦通。无妄釋元亨利貞與臨同。命即道也。叶韻耳。无妄之佳。程子以為无

妄而又往。本義只順上文本意解。正者天之命。不正故不可行也。蓋无妄之往。與泰卦包荒得尚于中行句相似。舉首尾句而包中間也。不可泥文而失意。

象曰。天下雷行。物與无妄。先王以茂對時育萬物。

雷行於天下。陰陽交和。相薄而成聲。於是驚蟄藏振。

萌芽發生。

一作育

萬物其所賦與。洪纖高下。各正其性命。

无有差妄。

一作忒

物與无妄也。先王觀天下雷行發生賦。

與之象。而以茂對天時。養育萬物。使各得其宜。如天與之无妄也。茂盛也。茂對之為言。猶盛行永言之比。對時謂順合天時。天道生萬物。各正其性命而不妄。王者體天之道。養育人民。以至昆蟲草木。使各得其宜。乃對時。

育物之道也

程子曰。天下雷行。物與无妄。天下雷行。付與无妄。天性豈有妄邪。聖人以茂對時育。

萬物各使得其性也。无妄則一毫不可加。安可往也。往則妄矣。无妄震下乾上。動以天。安有妄乎。動以人。則有妄矣。○天下雷行。物與无妄。先天後天皆合于天理者也。人欲則偽矣。○天下雷行。物與无妄。動以天理故也。其大略如此。又須研究之。則自有得處。



天下雷行震動發生萬物各正其性命是物物而

與之以无妄也。先王法此以對時育物。因其所性而不

為私焉

或問物與无妄。是各正性命之意。朱子曰。然。一物與他一箇无妄。○節齋蔡氏曰。對與對越上。

帝之對同。茂者篤實感發之意。至誠之動。无時不對。无物不育也。○中溪張氏曰。天之生物。不遠乎時。至誠資化。亦不遠乎時。聖人與天同一无妄。此所謂動以天也。○雙湖胡氏曰。天下雷行。物與无妄。以理言之。有會萬為一。一實萬分之義。以象言之。則一震之頃。物皆震動。邪念頓消。是物與之以无妄也。聖人茂對天時以養育。

萬物是亦聖人之雷行物與之以无妄矣。○雲峯胡氏曰。夫子釋彖。從天命上說。本義釋夫子大象。從性上說。性。即天之命也。天下雷行。物物與之以无妄。物物各具一性。物物各一自然之天。聖人因物之所性。以育萬物。聖人一一自然之天也。

初九无妄往吉

傳 九以陽剛為主於内。无妄之象。以剛實一无實字。變柔而


居内。中誠不妄者也。以无妄而往。何所不吉。卦辭言不利有攸往。謂既无妄。不可復有往也。過則妄矣。爻言往吉。謂以无妄之道而行。則吉也。**本義** 以剛在内。誠之主

也。如是而往。其吉可知。故其象占如此。進齋徐氏曰。初

无妄之主。動以正者。如是而行。何往非吉。○隆山李氏曰。初陽无應。而爻辭謂之往吉。何也。兩剛相遇。不牽於

係應之私。是之謂无妄。此初所以吉。四所以无咎也。若夫六二九五應六三上九應。而三不免於災。五不免於疾。上不免於眚。有應者反不若无應之為愈。可見矣。震陽初動。誠一未分。剛實无私。以此而往。動與天合。其又奚必有應而後能往哉。此初九之往。所以得无心之吉也。○雲峯胡氏曰。釋彖曰。剛自外來而為主於內。本義於此曰。以剛在內。誠之主也。主字最有力。蓋妄者。誠之反也。誠之主如此。妄自然无矣。如斯而往。其吉固宜。此占辭而本義以為象者。初九之剛為主於內。誠之主之象也。○蘭氏廷瑞曰。初則當行。終則當止。行止適當。則无妄。不妄則吉。无妄之初。當行者也。故往則有吉。无妄之終。當止者也。故行則有眚。

象曰。无妄之往。得志也。

以无妄而往。无不得其志也。蓋誠之於物。无不能動。

以之脩身。則身正。以之治事。則事得其理。以之臨人。則人感而化。无所往而不得其志也。

誠齋楊氏曰。九本乾體。初居震始。動以天。

者也。焉往而不吉不得志哉。○丹陽都氏曰。二陰在前。无陽以拒之。故吉。故得志。

六二。不耕獲。不菑畲。則利有攸往。畲側其反。畲音餘。

傳。凡理之所然者。非妄也。人所欲欲字无為者。乃妄也。故

以耕獲。菑畲。譬之六二居中得正。又應五之中正。居動

體而柔順。為動能順乎中正。乃无妄者也。故極言无妄

之義。耕。農之始。獲。其成終也。田一歲曰菑。三歲曰畲。不

耕而獲。不菑而畲。謂不首造其事。因其事理所當然也。

首造其事。則是人心所作。為乃妄也。因事之當然。則是

順理。應物。非妄也。獲與畲。是也。蓋耕則必有獲。菑則必

有。一作為畲。是事理之固然。非心意之所造作也。如是則為

无妄不妄則所往利而无害也。或曰：聖人制作以利天

下者皆造端也。豈非妄乎？曰：聖人隨時制作。各一作乎

風氣之宜。未嘗先時而開之也。若不待時則一聖人足

以盡爲矣。豈待累聖繼作也？時乃事之端。聖人隨時而

爲也。廣平游氏曰：不耕穫不菑畬以明君子之於物應而不唱其於事述而不作非樂通物也。樂循理也。

○朱子曰：耕菑固必因時而作。然對穫畬而言則爲首造矣。易中取象亦不可以文害辭。辭害義。若必字字拘泥則不耕而望穫不菑而望畬亦豈有此理耶？○問程傳爻辭恐未明白。竊謂无不耕而穫不菑而畬之理。只是不於耕而計穫之利。如程子所解象辭移之以解爻辭則可。曰：易傳爻象之辭雖若相反而意實相近。特辭有未足耳。爻辭言當循理。象辭言不計利。循理則不計利。計利非循理也。但考之經文則若有可疑者。若曰不耕而穫則多却而字。若曰不於耕而求穫之利則又須增數字方通。嘗謂此文乃自始至終都不營爲而偶然

有得之意。耕獲畱畬舉事之始終而言也。當无妄之世。事蓋有如此者。若以義言。則聖人之无爲而治。學者之不要人爵而人爵從之。皆是也。大抵此爻所謂无妄之福。而六三則所謂无妄之禍也。○潛室陳氏曰。伊川大意只謂不爲獲而耕。不爲畬而畱。凡有所爲而爲者。皆計利之私心。即妄也。但經文中不如此下語。故易傳中頗費言語。始謂不耕而獲。不畱而畬。謂不首造其事。則似以耕畱爲私意。中謂耕則必有獲。畱則必有畬。非心造意作。則以耕獲畱畬爲非私意。終謂既耕則必有獲。既畱則必成畬。非必以獲畬之富而爲。則又似以獲畬爲私意。三說不免自相牴牾。所以本義但據經文直說。謂无耕獲畱畬之私心。蓋農夫治田。都无計利之私心。當无妄之時。皆不可有此意思。如農夫之耕獲。則於經文甚直。无繚繞之礙。又曰。不首造者。謂作事之始。不可萌計較課功意。乃明道不計功之說也。



柔順中正。因時順理。而无私意期望之心。故有不耕獲不畱畬之象。言其无所爲於前。无所冀於後也。占

者如是則利有所往矣

朱子曰六二在無妄之時居中得正故吉其曰不耕穫不菑畬

是四事都不做蓋自有一樣時節都不須得作為事事都不動作亦自利有攸往看來無妄合是無望之義如無妄之災無妄之疾都是沒巴鼻恁地伊川作三意說不耕而穫耕而不穫耕而不必穫看來只是見成領會他○西溪李氏曰無妄誠也實理也有一毫求得於外之心便害無妄之體耕穫菑畬求得於外實也中未實則必外求因有此戒○廬陵龍氏曰耕穫菑畬而得穀此常理也然天命偶然亦有不用力而穫者無妄之福也若有如此福利自然至前則宜有所往矣則字喚得分明然利往與否又在占者審擇此未定之占○雲峯胡氏曰耕穫者種而斂之也菑畬者墾而熟之也諸家以為不耕而穫不菑而畬是從外添一字惟本義以為一歲之農始於耕終於穫三歲之田始於菑終於畬不耕穫不菑畬六二柔順中正終始無所作為之象而必曰因時順理者理本自然無所作為亦有時可如此不煩作為者六二柔順之至因其時順其理自始至終絕無計功謀利之心無所望而有得焉者

也。故其占曰利有攸往。或曰。利有攸往。則宜於有為矣。而以為无所作為者何也。曰。惟其因時順理而不自作為。此所以可有為也。

象曰。不耕獲。未富也。

傳未者。非必之辭。臨卦曰未順命是也。不耕而獲。不蓄

而畬。因其事之當然。既耕則必有獲。既蓄則必成畬。非

必以一一无以字獲畬之富而為也。其始耕蓄。乃設心在

於求求一无字獲畬。是以其富也。心有欲而為者。則妄也。**本**

義富。如非富天下之富。言非計其利而為之也。雲峯胡氏曰。无

妄。天也。計其利而為之。則人而非天矣。

六三。无妄之災。或繫之牛。行人之得。邑人之災。

傳三以陰柔而不中正是爲妄者也。又志應於上欲也。亦妄也。在元妄之道爲災害也。人之妄動由有欲也。妄動而得亦必有失。雖使得其所利其動而妄失已大矣。況復凶悔隨之乎。知者見妄之得則知其失必與稱也。故聖人因六三有妄之象而發明其理云元妄之災。或繫之牛。行人之得。邑人之災。言如三之爲妄乃元妄之災害也。設如有得其失隨至。如或繫之牛。或謂設或也。或繫得牛。行人得之以爲有得。邑人失牛。乃是災也。借使邑人繫得馬。則行人失馬。乃是災也。言有得則有失。不足以爲得也。行人邑人。但言有得則有失。非以爲彼

已也。妄得之福。災亦隨之。妄得之得。失亦稱之。固不足

以為得也。人能知此。則不為妄動矣。臨川吳氏曰。此假設其象以明之。如

或繫一牛於此。乃邑人之牛也。偶脫所繫而為行人所得。邑人有失牛之災。亦適然不幸爾。非已有以致之。是

謂无妄之災。六三之遇此災。莫之致而至者也。○誠齋楊氏曰。我求而我得者。有妄之災。非我求而我得者。无

妄之災。



卦之六爻皆无妄者也。六三處不得正。故遇其占

者无故而。有災。如行人牽牛以去。而居者反遭詰捕之

擾也。或問无妄之災。朱子曰。此卦六爻皆是无妄。但六三

地頭不正。故有妄之災。言无故而。有災也。如行人牽牛已去。而居人反遭詰捕之擾。此正无妄之災

之象。○習靜劉氏曰。六三才柔而位不當。所謂匪正者也。故有災。然出於意料之外。故曰无妄之災。○雲峯胡氏曰。六爻皆无妄。三之時則无妄而有災者也。六二得

位而有无妄之福。時也。六三失位而有无妄之禍。亦時也。行人牽牛以去。而居人反受詰捕之擾。其災出於意料之外。雜卦曰。无妄災也。其此之謂乎。○雙湖胡氏曰。三固是无妄之災。然亦其不正之所致。使九三得正。寧有是乎。

象曰。行人得牛。邑人災也。

傳。行人得牛。乃邑人之災也。有得則有失。何足以為得

乎。臨川吳氏曰。其得者。无妄之福。其失者。无妄之災。以无妄之人。居无妄之時。災福皆非以妄而致也。

九四。可貞。无咎。

傳。四剛陽而居乾體。復无應與。无妄者也。剛而无私。豈

有妄乎。可貞。固守此。自无咎也。九居陰。得為正。貞一作乎。

曰。以陽居乾體。若復處剛。則為一無過矣。過則妄也。居

四。无尚剛之志也。可貞與利貞不同。可貞謂其所處可

貞固守之。利貞謂利於貞也。

本義

陽剛乾體下无應與

可固守而无咎。不可以有爲之占也。

進齋徐氏曰。九四得乾體之剛。下无

係應。无妄者也。但可貞與利貞不同。利貞謂利於貞也。可者。僅可之辭。謂以九居四。剛而不中。僅可堅守其剛。

貞而勿動爾。妄動則有咎也。○雙湖胡氏曰。四處不中正。故戒之以可貞。則无咎。不正則有咎也。可之云者。有

悔之之意。○雲峯胡氏曰。貞正而固也。曰利貞。則訓正字而兼固字之義。曰不可貞。則專訓固字而无正字之

義。不可不辯。九四陽剛健體。下无應與。僅可貞固守之。而其占不可有爲。不如初之吉。亦不至如上之凶。僅得

无咎而已。

象曰。可貞无咎。固有之也。

傳


貞固守之。則无咎也。

本義

有猶守也。

九五无妄之疾。勿藥有喜。

傳九以中正當尊位。下復以中正順應之。可謂无妄之至者也。其道无以加矣。疾爲之病者也。以九五之无妄。如其有疾。勿以藥治。則有喜也。人之有疾。則以藥石攻去其邪。以養其正。若氣體平和。本无疾病。而攻治之。則反害其正矣。故勿藥則有喜也。有喜。謂疾自亡也。无妄之所謂疾者。謂若治之而不治。率之而不從。化之而不革。以妄而爲无妄之疾。舜之有苗。周公之管蔡。孔子之叔孫武叔。是也。旣已无妄而有疾之者。則當自如无妄之疾。不足患也。若遂自攻治。乃是渝其无妄而遷於妄。

也。五既處无妄之極。故唯戒在動。動則妄矣。乾剛

中正以居尊位。而下應亦中正。无妄之至也。如是而有

疾。勿藥而自愈矣。故其象占如此。或以問九五陽剛中正。以居尊位。无妄之至。

何為而有疾。朱子曰。此是不期而有此。但聽其自爾。久則自定。所以勿藥有喜而无疾也。大抵无妄一卦。固是

无妄。但亦有无故非意之事。故聖人因象以示戒。○白雲郭氏曰。易以乘剛為疾。如豫六五。自取之也。非无妄

也。九五以剛乘剛。居中得正。非自取之道。故為无妄之疾也。人之有疾。以藥石攻其邪。然以治豫之貞疾。則可。

治无妄之疾。則不可也。○雲峯胡氏曰。豫六五以柔乘剛。貞疾固宜。无妄九五剛健中正。下應柔順中正。无妄

之至也。如是而有疾。文王姜里之囚。周公流言之變也。不殄厥愠。亦不殞厥問。公孫碩膚。德音不遐。文王周公

之疾。不藥而自愈矣。

象曰。无妄之藥。不可試也。

傳人之有妄。理必修改。既无妄矣。復藥以治之。是反為

妄也。其可用乎。故云不可試也。試。暫用也。猶曰少嘗之

也。**本義**既已无妄而復藥之。則反為妄而生疾矣。試。謂

少嘗之也。中溪張氏曰。无妄而疾。又无妄而藥。則反為妄而起其疾矣。此无妄之藥所以不可試也。

孔子曰。其未達不敢嘗。聖人不試无妄之藥如此。

上九无妄行有眚无攸利

傳上九居卦之終。无妄之極者也。極而復行過於理也。

過於理則妄也。一作矣。故上九而行則有過眚而无所利

矣。**本義**上九非有妄也。但以其窮極而不可行耳。故其


象占如此。西溪李氏曰。處卦之終。其位不正。所謂匪正有眚也。○中溪張氏曰。上九居乾之終。則純

乎天矣。苟復動而妄行。則失於亢。故有過眚而无所利。卦辭所謂匪正有眚。不利有攸往。即指此也。漢武漢北之征。唐皇雲南之師。此爻之謂矣。

象曰。无妄之行。窮之災也。

傳 无妄既極而復加進。乃為妄矣。是窮極而為災害也。

雲峯胡氏曰。六爻皆无妄也。特初九得位而為震動之主。時之方來。故无妄往吉。上九失位而居乾體之極。時已去矣。故其行雖无妄。有眚无攸利。是故善學易者在識時。初曰吉。二曰利。時也。三曰災。五曰疾。上曰眚。非有妄以致之也。亦時也。初與二皆可往。時當動而動也。四可貞。五勿藥。上行有眚。時當靜而靜也。○楊氏文煥曰。无妄動以天也。拂天而動則妄矣。下三爻震體。初往吉。二利往。三行人之得利於動也。在下當動。動則應天。上三爻乾體。四可貞。五勿藥。戒在動也。動則拂天。上行有眚。已之天也。動將何之。故當動而不動。與不當動而動也。皆妄也。夫



乾下
艮上

傳

大畜序卦。有元妄。然後可畜。故受之以大畜。无妄則

為有實。故可畜聚。大畜所以次无妄也。為卦艮上乾下。

天而在於山中。所畜至大之象。畜為畜止。又為畜聚。止

則聚矣。又一字有。取天在山中之象。則為蘊畜。取艮之止。乾

則為畜止。止而後有積。故止為畜義。

朱子曰。小畜以巽之柔順而畜三陽。

畜他不佳。大畜則以艮畜乾。畜得有力。所以喚作大畜。

趙氏曰。乾健上進。為艮所止。故有畜義。艮陽卦也。陽為大。故曰大畜。大小畜所畜皆乾。所別者艮巽耳。是故

以大畜大。謂之大畜。○隆山李氏曰。以陰畜陽。所畜之力小。故謂之小畜。以陽畜陽。所畜之力大。故謂之大畜。

大畜。利貞。不家食。吉利涉大川。

傳

莫大於天而在山中。艮在上而止。乾於下。皆蘊畜至

大之象也。在人爲學術道德充積於內。乃所畜之大也。

凡所畜聚。皆是專言其大者。人之蘊畜。宜得正道。故云

利貞。若夫異端偏學。所畜至多。而不正者。固有矣。旣道

德充積於內。宜在上位以享天祿。施爲於天下。則不獨

於一字无一身之吉。天下之吉也。若窮處而自食於家。道

之否也。故不家食則吉。所畜旣大。宜施之於時。濟天下

之艱險。乃大畜之用也。故利涉大川。此只據大畜之義

而言。彖更以卦之才德而言。諸爻則惟有止畜之義。蓋

易體道隨宜取明且近者也。白雲郭氏曰。賢不家食。祿之

也。古之人不仕无祿。則耕而

食之於家也。仕而祿足以代耕。則不耕矣。非家食也。○
建安丘氏曰。大畜利貞。言所畜者大而利於貞正也。不
家食吉。言賢者當與之共天位。享天祿。食於朝而不食
於家。則吉也。然有所畜者必有所用。有所養者必有所
施。賢人又當出而濟天下之艱險。以究大畜
之才。故曰利涉大川。利涉者。乾健於行也。

本義

大陽也。以艮畜乾。又畜之大者也。又以内乾剛健。

外艮篤實輝光。是以能日新其德而為畜之大也。以卦
變言。此卦自需而來。九自五而上。以卦體言。六五尊而
尚之。以卦德言。又能止健。皆非大正不能。故其占為利
貞而不家食吉也。又六五下應於乾。為應乎天。故其占
又為利涉大川也。不家食。謂食祿於朝。不食於家也。朱
曰。大畜利貞。不家食吉。利涉大川。只是占得大畜者為
利貞。不家食而吉。利於涉大川。至於剛上尚賢等處。乃

孔子發明。各有所主。爻象亦然。○雲峯胡氏曰。大畜大壯皆四陽卦。故皆謂之大。其占皆曰利貞者。大壯而不貞。其壯也剛而无禮。大畜而不貞。其畜也博而寡要。不家食。是賢者不畜于家而畜於朝。涉大川。又似有畜極而通之意。要之兩利字。一吉字。占辭自分而為三。不必泥而一之也。

彖曰。大畜剛健篤實輝光。日新其德。



以卦之才德而言也。乾體剛健。艮體篤實。人之才剛

健篤實。則所畜能大。克實而有輝光。畜之不已。則其德

日新也。



以卦德釋卦名義。

朱子曰。篤實便有輝光。艮止便能篤實。○雲峯

胡氏曰。諸卦艮德只一止字。此則有篤實輝光四字。蓋大畜之所重者在艮上一爻。卦名畜字。已具艮止之義。此曰篤實。艮一陽之所以能畜也。曰輝光。陽能畜諸中而見諸外也。○東谷鄭氏曰。畜有三義。以畜養言之。畜賢也。以畜止言之。畜健也。以畜德也。養賢以及萬民。此畜養之大者。乾天下之至健。而四五能畜之。

此畜止之大者。剛健篤實輝光。日新其德。此蘊畜之大者。故彖傳兼此三者言之。

剛上而尚賢。能止健。大正也。

傳

剛上。陽居上也。陽剛居尊位之上。為尚賢之義。止居

健上。為能止健之義。止乎健者。非大正則安能。以剛陽在上。與尊尚賢德。能止至健。皆大正之道也。

本義

以卦

變卦體釋卦辭

朱子曰。能止健。都不說健而止。見得是艮來止。這乾以艮之止。止乾之健也。

中溪張氏曰。止健以二德言。不曰健而止。而曰能止健者。蓋乾之為物也。最健而處於艮之下。甘受其畜止而不辭。以剛畜剛。乃大者之正也。故曰大正。此釋利貞之義。○臨川吳氏曰。二柔尊尚一剛於己之上。其能止健者。一剛之大正也。而非二柔之小者為之。不以止健之功歸之於陰小。蓋聖人之微意。

不家食。吉。養賢也。

本義 亦取尚賢之象

利涉大川。應乎天也。

傳 大畜之人所宜施其所畜以濟天下。故不食於家則

吉。謂居天位享天祿也。國家養賢。賢者得行其道也。利

涉大川。謂大有蘊畜之人宜濟天下之艱險也。象更發

明卦才。云所以能涉大川者。以應乎天也。六五君也。下

應乾之中爻。乃大畜之君。應乾而行也。所行能應乎天。

无艱險之不可濟。況其他乎。本義 亦以卦體而言。臨川

曰。涉險。非乾健之力不能。六五下應乎乾。故能涉大川也。○雲峯胡氏曰。卦有乾體者多。曰利涉大川。健故也。

象曰。天在山中。大畜。君子以多識前言往行。以畜其德。如識

字又音志
行下孟反

傳天爲至大而在山之中所畜至大之象君子觀象以

大其蘊畜人之蘊畜由學而大在多聞前古聖賢之言

與行考跡以觀其用察言以求其心識而得之以畜成

其德乃大畜之義也**本義**天在山中不必實有是事但

以其象言之耳雙湖胡氏曰天包地外地外有天山雖

字只作下字解如地中有山雷在地中以卦體言只是

下義○鶴山魏氏曰天在山中譬則心之體也聞一言

焉見一行焉審問而謹思明辯而篤行即所以畜其心

之德蓋畜故乃所以養新而新非自外至也昭昭之多

止於所不見是以愈畜而愈大○達安丘氏曰風以氣

畜氣息則散故風行天上爲小畜山以形畜形畜則固

故天在山中爲大畜大畜言畜德小畜言

懿文德畜德雖同而文德則德之小者也

初九有厲利已

已夷止反

傳

大畜艮止畜乾也故乾三爻皆取被止一作止之爲義艮

三爻皆取止之爲義初以陽剛又健體而居下必上進者也六四在上畜止於已安能敵在上得位之勢若犯之而進則有危厲故利在已而不進也在他卦則四與初爲正應相援者也在大畜則相應乃爲相止畜上與三皆陽則爲合志蓋陽皆上進之物故有同志之象而无相止之義

本義

乾之三陽爲艮所止故内外之卦各

取其義初九爲六四所止故其占往則有危而利於止

也

中溪張氏曰初九乾體志於上進六四下與之應而畜止之四雖柔而止體當畜之時剛不能進初若恃

其陽剛方銳之勢而欲遽往。則為所畜制而有厲矣。故曰有厲利已。子夏傳曰。居而俟命則利。往而違上則厲。○雲峯胡氏曰。他卦取陰陽相應。此取相畜。內卦受畜。以自止為義。外卦能畜。以止之為義。獨三與上居內外卦之極。畜極而通。不取止義。

象曰有厲利已不犯災也

有危則宜已不可犯災。危而行也。不度其勢而進。有

災必矣。

中溪張氏曰。厲。災也。惟已故不犯。

九二興說。

輟說吐活反輟音服又音福

二為六五所畜止。勢不可進也。五據在上之勢。豈可

犯也。二雖剛健之體。然其處得中道。故進止无失。雖志於進度。其勢之不可則止而不行。如車輿脫去。其字有輪

輟謂不行也。九二亦為六五所畜。以其處中故能

自止而不進。有此象也。進。曰利已者。勉其止也。二剛中。

自能止而不行。可謂知時者矣。○漢上朱氏曰。初剛正也。二剛中也。四五柔也。柔能畜剛。剛知其不可遽犯而

安之。時也。夫氣雄九軍者。或屈於賓贊之儀。才力蓋世者。或聽於委裘之命。故曰大畜時也。○童溪王氏曰。小

畜之九三。見畜於六四。而曰輿說輟。輟。四說其輟也。大畜之九二。受畜於六五。亦曰輿說輟。輟。是自說其輟也。夫說

人之輟。與自說其輟。語其勢之逆順。蓋有間矣。何者。九三剛過。而九二則剛得中故也。剛而得中。則進止无失。

故象釋之曰。中无尤也。○蘭氏廷瑞曰。小畜以一陰而畜五陽。而六四為小畜之主。近畜九三。以小畜大。以陰

畜陽。又非正應。所以九三不受畜。而有夫妻反目之象。大畜則艮能止三陽之健。九二在下卦之中。而上受六

五大君所畜。以君畜臣。以上畜下。二五皆中。又其正應。居中相應。何尤之有。所以不同也。

象曰。輿說輟。中无尤也。

傳輿說輟而不行者蓋其處得中道動不失宜故无過

尤也善莫善於剛中柔中者不至於過柔耳剛中中而

才也初九處不得中故戒以有危宜已二得中進止自

无過差故但言輿說輟謂其能不行也不行則无尤矣

初與二乾體剛健而不足以進四與五陰柔而能止時

之盛衰勢之強弱學易者所宜深識也息齋余氏曰小畜待陰迫之而

後說輟故反目大畜才及中而自說其輟此有知武之吉彼有來迫之嫌故无尤

九三良馬逐利艱貞曰閑輿衛利有攸往曰讀為日

傳三剛健之極而上九之陽亦上進之物又處畜之極

而思變也與三乃不相畜而志同相應以進者也三以

剛健之才而在上者與合志而進其進如良馬之馳逐

言其速也雖其進之勢一作速不可恃其才之健與上

之應而忘備與慎也故宜艱難其事而由真正之道與

者用行之物衛者所以自防當自自一無字日常閑習其車

輿與其防衛則利有攸往矣三乾體而居正能貞者也

當有銳進故戒以知難與不失其貞一作正也志既銳於

進雖剛明有時而失不得不誠也



三以陽居健極

上以陽居畜極極而通之時也又皆陽爻故不相畜而

俱進有良馬逐之象焉然過剛銳進故其占必戒以艱

貞閑習乃利於有往也曰當為日月之日朱子曰九三一文不

爲所畜。而欲進與上九合志同進。俱爲畜極而通之時。故有良馬逐何天之衢亨之象。但上九已通達无礙。只是泊泊去。三過剛銳進。故戒以艱貞閑習。蓋初二兩爻皆爲所畜。獨九三一爻自進耳。問九六爲正應。皆陰。皆陽。則爲无應。獨畜卦不爾何也。曰。陽遇陰。則爲陰所畜。九三與上九皆陽。皆欲上進。故但以同類相求也。小畜亦然。○雲峯胡氏曰。閑習也。日閑猶言時習。閑與衛又因二之輿三之馬取象。輿者乘內之二陽。衛者防外之一陰。良馬逐者。上一陽與已同志。三逐上以上而下。二陽又逐三以進之象也。初利已戒其進也。二說輟喜其不進也。三可進矣。而猶戒之艱難貞固。曰閑習輿衛之事者。懼其可進而銳於進也。二之輿既說輟而不進。三復閑輿衛而不輕進。至是則初之利已者。三可利往矣。○平庵項氏曰。衛古書之稱。皆武衛也。考工記。周人上輿。車有六等之數。戈也。人也。受也。戟也。矛也。軫也。皆衛名。○節齋蔡氏曰。凡剛進而上。遇柔則利。遇剛則不利。如大壯之四曰藩决不羸。大畜之三曰羝羊觸藩羸其角。大畜乎柔也。大壯之初曰征凶。三曰羝羊觸藩羸其角。大畜之初曰有厲利已。皆前遇乎剛也。

象曰。利有攸往。上合志也。

傳 所以利有攸往者。以與在上者合志也。上九陽性上進。且畜已極。故不下畜三。而與三有合志上進也。

六四。童牛之牯。元吉。

牯古毒反

傳 以位而言。則四下應於初。畜初者也。初居最下。陽之微者。微而畜之。則易制。猶童牛而加牯。大善而言也。既論畜道。則四艮體居上位而得正。是以正德居大臣之位。當畜之任者也。大臣之任。上畜止。人君之邪心。下畜止。天下之惡人。一无人之惡。止於初。則易。既盛而後禁。則扞格而難勝。故上之惡既甚。則雖聖人救之。不能免。

違拂下之惡既甚則雖聖人治之不能免刑戮莫若止

之於初如童牛而加牯則元吉也牛之性觝觸以角故

牯以制之若童犢始角而加之以牯使觝觸之性不發

則易而无傷以況六四能畜止上下之惡於未發之前

則大善之吉也

程子曰教人之術若童牛之牯當其未

之有牙既已難制以百方制之終不能使之改惟殯其

勢則自調伏雖有牙亦不能為害如有不率教之人却

須置其擯楚別以道格其心則不須擯楚將自化矣

蓋田呂氏曰六四六五皆以柔畜剛止健者也牛之剛

健在角豕之剛健在牙○厚齋馮氏曰小畜之畜乾者

六四也九居五為之助者也○大畜之畜陽者六四六五

也九居上為之助者也○夫外无陽爻則坤順而不能畜

内无陰爻則同類而不相畜然則成大畜之義者在艮

之上九而能畜乾之陽者在艮之六四六五也○建安

丘氏曰或謂小畜大畜皆以六四下畜乾初在小畜有

復自道之吉。在大畜有有厲利已之戒。何也。曰。小畜以巽畜乾。巽陰卦也。而四又柔爻。故未能畜初。大畜以艮畜乾。艮陽卦也。而四雖柔爻而實艮體。故初為所畜而不能進二爻。雖同為柔。而巽艮畜乾之義異矣。



童者未角之稱。牯施橫木於牛角以防其觸。詩所

謂福衡者也。止之於未角之時為力則易。大善之吉也。

故其象占如此。學記曰。禁於未發之謂豫。正此意也。朱

詩傳曰。福衡施於牛角。所以止觸也。周禮封人。凡祭飾其牛牲。設其福衡。學記。禁於未發之謂豫。注云。豫者。先事之謂。○雲峯胡氏曰。祭天地之牛。角繭栗。童則猶未

其占大善而吉

象曰。六四元吉有喜也。

傳天下之惡已盛而止之。則上勞於禁制而下傷於刑。

誅。故畜止於微小之前。則大善而吉。不勞而无傷。故可喜也。四之畜初是也。上畜亦然。

六五。豮豕之牙。吉。

豮符云反

傳六五居君位。止畜天下之邪惡。夫以億兆之衆。發其邪欲之心。人君欲力以制之。雖密法嚴刑。不能勝也。夫物有總攝。事有機會。聖人操得其要。則視一玩億兆之心。猶一心。道之斯行。止之則戢。故不勞而治。其用若豮豕之牙也。豕剛躁之物。而牙為猛利。若強制其牙。則用力勞而不能止其躁猛。雖繫之維之。不能使之變也。若豮去其勢。則牙雖存而剛躁自止。其用如此。所以吉也。

君子發殯豕之義。知天下之惡不可以力制也。則察其
機持其要。塞絕其本原。故不假刑法嚴峻而惡自止也。
且如止盜。民有欲心。見利則動。苟不知教而迫於飢寒。
雖刑殺日施。其能勝億兆利欲之心乎。聖人則知所以
止之之道。不尚威刑而修政教。使之有農耕一作桑之業

知廉恥之道。雖賞之不竊矣。故止惡之道。在知其本。得

其要而已。不嚴刑於彼。而修政於此。是猶患牙之利。不

制其牙而殯其勢也。

程子曰。殯豕之牙。豕牙最能齧害
人。只制其牙。如何制得。今人為惡。

却只就他惡禁之。便无由禁止。此見聖人機會處。○進
齋徐氏曰。壯豕曰獬。攻其特而去之。曰殯。所以去其勢
也。豕之害物在牙。人不能去其牙之猛利。惟去其勢以
絕其剛躁之性。則牙雖存。亦不能害物矣。豕牙二也。殯

之者五也。二陽已壯則難制。五得其要領而能制也。制於已壯之後。猶欲去豕牙之害而殲之。此用柔畜剛之道也。



陽已進而止之。不若初之易矣。然以柔居中而當

尊位。是以得其機會而可制。故其象如此。占雖言而不

言元也。



朱子曰。大畜下三爻。取其能自畜而不進。上三爻。取其能畜彼而不使進。然四能止之於初。故

為力易。五則陽已進而止之則難。但以柔居尊。得其機會可制。故亦吉。但不能如四之元吉耳。○雲峯胡氏曰。初之陽未進而止之。用力猶易。二陽已進。則亦難矣。六五柔中居尊。故得其機會而可制。如殲豕然。然已不如初之易。故曰吉。而不如初之元吉也。或曰。牛與豕皆陰物。而以象陽者何也。曰。牛之剛在角。豕之剛在牙。四五下畜二剛。蓋取牯牛防其角。豕防其牙之象也。

象曰。六五之吉。有慶也。

傳在上者不知止惡之方。嚴刑以敵民欲。則其傷甚而
无功。若知其本制之有道。則不勞无傷。而俗革天下之
福慶也。

上九何天之衢亨

 予聞之胡先生曰。天之衢亨。誤加何字。事極則反。理
之常也。故畜極而亨。小畜畜之小。故極而成。大畜畜之
大。故極而散。極既當變。又陽性上行。故遂散也。天衢。天
路也。謂虛空之中。雲氣飛鳥往來。故謂之天衢。天衢之
亨。謂其亨通曠闊。无有蔽阻也。在畜道則變矣。變而亨。
非畜道之亨也。 何天之衢。言何其通達之甚也。畜

極而通豁達无礙故其象占如此或如伊川說衍一何

字亦不可知。○陳氏皋曰。陽久被抑。今而亨通。故曰何。訝之也。實喜之也。○雙湖胡氏曰。艮為徑路。衢亦路也。在上。故為天衢。○厚齋馮氏曰。五天位也。上位乎天之上。乾三陽上達于此之路。故曰天衢。○雲峯胡氏曰。隨畜隨發。不足為大畜。惟畜之極而通豁達无礙。如天衢然。何之一字。讚之之辭也。蓋曰是何通達之甚如此也。此不徒為仕者之占。大學章句所謂用力之久。一旦豁然貫通者。亦是此意。多識前言往行。以畜其德者。以之也可也。

象曰何天之衢道大行也

傳何以謂之天衢以其无止礙道路大通行也以天衢

非常語故象特設問曰何謂天之衢以道路大通行取空豁之狀也以象有何字故爻下亦誤加之○開封取氏曰。下體受

畜者也。上體畜下者也。受畜者至於九三。則良馬逐矣。无復如初。初二也。畜下者至於上九。則天衢亨矣。无復如四五也。○白雲郭氏曰。觀童牛之牯。則知有厲利已矣。觀犢豕之牙。則知輟矣。觀良馬逐。則知何天之衢。亨矣。蓋乾健為艮所止。是以三爻各相類。○建安丘氏曰。大畜六爻。上三爻艮為畜者也。下三爻乾受畜者也。初與四應。受四之畜者。故初言有厲利已。四言童牛之牯。二與五應。受五之畜者。故二言輟。而五言犢豕之牙。此四爻皆已成畜者也。至三與上應。始與上合志而同進。故三言良馬逐。而上言天衢亨也。畜而至此。畜道散矣。



震下
艮上

傳頤序卦。物畜然後可養。故受之以頤。夫物既畜聚。則必有以養之。无養則不能存息。頤所以次大畜也。卦上艮下震。上下二陽爻中含四陰。上止而下動。外實而中

虛人頤頤之象也。頤養也。人口所以飲食養人之身故名爲頤。聖人設卦推養之義。大至於天地養育萬物。聖人養賢以及萬民。與人之養生養形養德養人皆頤養之道也。動息節宣以養生也。飲食衣服以養形也。威儀行義以養德也。推己及物以養人也。

頤貞吉。觀頤自求口實。

傳頤之道以正則吉也。人之養身養德養人養於人皆以正道則吉也。天地造化養育萬物各得其宜者亦正而已矣。觀頤自求口實。觀人之所頤與其自求口實之道則善惡吉凶可見矣。

平庵項氏曰。頤貞吉。總言一卦之義。觀頤自求口實。乃觀頤之

道○中溪張氏曰。觀頤者。觀其所養之道於人也。主上
下二陽言。陽爲實。唯實故能養人。自求口實者。觀其自
養之道於己也。主中四陰而言。陰爲虛。唯虛故求口實。
陽實則能養陰。陰虛則受養於陽。頤養之道。當以靜爲
本。靜則知止而妄求所以得貞而吉。一累
於動。專爲口體之奉。則失所養之正而凶矣。



頤。口旁也。口食物以自養。故爲養義。爲卦上下二

陽內含四陰外實內虛。上止下動。爲頤之象。養之義也。

貞吉者。占者得正則吉。觀頤。謂觀其所養之道。自求口

實。謂觀其所以養身之術。皆得正則吉也。

朱子曰。頤須是正則吉。何

以觀其正不正。蓋觀頤。是觀其養德。是正不正。自求口實。是又觀其養身。是正不正。未說到養人處。○問觀其所養之道。觀其所以養身之術。曰。所養之道。如學聖賢之道。則爲正。黃老申商則爲非。凡見於修身行義皆是也。所養之術。則飲食起居是也。○建安丘氏曰。頤。頤也。養也。輔。上九之象。車。初九之象。中四陰。衆齒之象。上覆

下承衆齒森然全頤之象見矣○隆山李氏曰頤中有物曰噬嗑。頤中有物則害其所以爲養。故不取頤養之義。而頤中之虛元未有物。則以貞吉告之。方其未受外物之間。要當擇其所養。故正則吉。不正則不吉也。

彖曰頤貞吉養正則吉也觀頤觀其所養也自求口實觀其自養也

傳貞吉所養者正則吉也所養謂所養之人與養之之道

道自求口實謂其自求養身之道皆以正則吉也

臨川吳氏

曰所養養人。自養養己。○平庵項氏曰觀其所養指上九言。觀其自養指初九言。初上二陽上下兩卦之主爻也。非夫子贊辭明白。則後儒必不分作養己養人兩條也。○雲峯胡氏曰槃澗董氏嘗問朱子曰本義謂觀頤以觀其所養之道。自求口實觀其所以養身之術。與程傳如何。朱子沉吟良久曰程傳似勝。蓋下體三爻皆是自養。上體三爻皆是養人。先人而後己者。君子觀頤之象

自上而下。於上體則觀其所以養人者。於下體則求其所以自養者。要在皆得正則吉爾。



釋卦辭朱子曰。觀其所養。亦只是說君子之所養。養浩然之氣。模樣自養。則如爵祿下。至飲食之類。是說自求口實。又曰。這兩句是解養正則吉。所

養之道與養生之術。正則吉。不正則不吉。○隆山李氏曰。古之觀人。每每觀其所養。而所養之大小。則必以其所自養者觀之。夫重道義之養。而畧口體。此養之大者也。急口體之養。而輕道義。此養之小者也。養其大體。則為大人。養其小體。則為小人。天之賦予初元。无小大之別。而人之所養各殊。則其所成就者亦異。○開封耿氏曰。不觀其養心之大。而觀其自求口實何也。人之所以忘其大體者。以從事於口體之養也。口體之養。求不失義。則養其大體可知矣。是以觀其自求口實。足以知其自養矣。

天地養萬物。聖人養賢以及萬民。頤之時大矣哉。



聖人極言頤之道而贊其大。天地之道則養育萬物。

養育萬物之道正而已矣。聖人則養賢才與之共天位。使之食天祿。俾施澤於天下。養賢以及萬民也。養賢所以養萬民也。夫天地之中品物之衆。非養則不生。聖人裁成天地之道。輔相天地之宜。以養天下。至於鳥獸草木。皆有養之之政。其道配天地。故夫子推頤之道。贊天地與聖人之功。曰頤之時大矣哉。或云義。或云用。或止云時。以其大者也。萬物之生與養時爲大。故云時。

奎義

極言養道而贊之

龜山楊氏曰。頤之義。養也。而以貞正爲道。天地養萬物。失其正。則陰陽繆

戾而物不遂其生矣。聖人養賢不以正。則賢者不安其位而民不被其澤矣。夫天地之養物。聖人之養賢。與人之自養。各當其可。然後得其正。得其正而後吉。則頤之時。豈不大矣哉。

象曰山下有雷頤。君子以慎言語節飲食。

傳

以二體言之。山下有雷。雷震於山下。山之生物皆動。

其根芽發其萌芽。為養之象。以上下之義言之。良止而

震動。上止下動。頤頤之象。

也。字有以卦形言之。上下二陽

中含

一。无。含。字。

四陰。外實中虛。頤口之象。口所以養身也。故

君子觀其象以養其身。慎言語以養其德。節飲食以養

其體。不唯就口取養。

一。无。養。字。

義。事之至近而所係至大者。

莫過於言語飲食也。在身為言語於天下。則凡命令政

教出於身者皆是。慎之則必當而无失。在身為飲食於

天下。則凡貨資財用養於人者皆是。節之則適宜而无

傷推養之道。則有養德養天下莫不然也。

本義

二者養

德養身之切務。

朱子曰。諺云。禍從口出。病從口入。甚好。此語前輩曾用以解頤之象。慎言語節

飲食。○中溪張氏曰。慎言語。所以養其德也。出而動者。為言語不慎。則妄出而招禍。節飲食。所以養其體也。入

而動者。為飲食不節。則妄入而致疾。皆取止其動為義。○西山真氏曰。頤之為義。在天地則養萬物。在聖人則

養賢。以及萬民。功用至博大也。而象獨以言語飲食為言。何哉。蓋已得其養。然後可推以及人。未有不先成吾

身而能達之天下者也。○白圭有詩。南容復之。金人有銘。孔門識之。可不謹乎。三爵之過。猶為非禮。萬錢之奉。適

以贖禍。可不節乎。曰。謹曰節。云者。皆養之之功也。○誠齋楊氏曰。慎言非默。當其可。則諫死。不羨括囊。節食非

矯。當其可。則采薇不羨林肉。

初九。舍爾靈龜。觀我朵頤。凶。

舍音捨

傳

蒙之初六。蒙者也。爻乃主發蒙而言。頤之初九亦假

外而言。爾謂初也。舍爾之靈龜。乃觀我而朵頤。我對爾而設初之所以朵頤者。四也。然非四謂之也。假設之辭。爾。九陽體剛明。其才智足以養正者也。龜能咽息不食。靈龜喻其明智。而可以不求養於外也。才雖如是。然以陽居動體。而在頤之時。求頤人所欲也。上應於四。不能自守。志在上行。說所欲而朵頤者也。心既動。則其自失必矣。迷欲而失已。以陽而從陰。則何所不至。是以凶也。朵頤。為朵動其頤。頤。人見食而欲之。則動頤垂涎。故以為象。

本義

靈龜不食之物。朵垂也。朵頤欲食之貌。初九

陽剛在下。足以不食。乃上應六四之陰。而動於欲。凶之

道也。故其象占如此。箇離卦。必是伏。箇離卦。如觀我朵。

頤。卦雖无離卦。却是伏得這卦。○進齋徐氏曰。以頤二體合而觀之。似乎離體之中虛。離為龜。惟虛故靈。故曰靈龜。龜能咽息不食。以氣自養。可以不求養於外者也。爾者。初也。我者。四也。舍爾觀我。若曰。語初之辭也。靈龜以靜而為養。朵頤以動而為養。朵動也。初九居震體之下。亦足以為自養之賢。而不必求養於人。今乃舍爾靈龜而朵頤於我。失其靜養之道。而溺於動養之欲。雖與四為正應。不能自守。乃仰觀六四而朵頤。是陽說乎陰。而動念垂涎矣。孔子曰。振也慾焉得剛。苟誠剛也。則豈屈於欲哉。○雲峯胡氏曰。觀三五皆曰觀我。各指本爻而言。此曰觀我。獨指外爻而言。何也。蓋如靈龜可貴也。自不知貴。故爾之在此者為爾。則在彼者反為主。而我稱矣。中字九二曰。我有好爵。吾與爾靡之。此為我。則彼為爾。爾我二字。理欲内外之分如此。其嚴矣哉。

象曰。觀我朵頤。亦不足貴也。

九動體。朵頤。謂其說陰而志動。既為欲所動。則雖有

剛健明智之才終必自失。故其才亦不足貴也。人之貴乎剛者。爲其能立而不屈於欲也。貴乎明者。爲其能照而不失於正也。既惑所欲而失其正。何剛明之有。爲可賤也。中溪張氏曰。初九陽本可貴。而累於動體。縱慾而動。則飲食之人。人皆賤之。烏得而不凶。此樂正子之徒。銷啜所以見斥於孟子也。○平庵項氏曰。亦不足貴者。示其本貴也。

六二。顛頤拂經。于丘頤。征凶。

傳 女不能自處。必從男。陰不能獨立。必從陽。二陰柔不能自養。待養於人者也。天子養天下。諸侯養一國。臣食君上之祿。民賴司牧之養。皆以上養下。理之正也。二既不能自養。必求養於剛陽。若反下求於初。則爲顛倒。故

云顛顛顛則拂違經常不可行也。若求養於丘。則往必有凶。丘在外而高之物。謂上九也。卦止二陽。既不可顛顛于初。若求顛于上九。往則有凶。在顛之時。相應則相養者也。上非其應。而往求養。非道妄動。是以凶也。顛顛則拂經。不獲其養。爾妄求於上。往則得凶也。今有人才不足以自養。見在上者。勢力足以養人。非其族類。妄往求之。取辱得凶。必矣。六二中正。在他卦多吉。而凶何也。曰。時然也。陰柔既不足以自養。初上二爻皆非其與。故往求則悖理而得凶也。



求養於初。則顛倒而違於

常理。求養於上。則往而得凶。丘。土之高者。上之象也。

雲峯

象曰。六二征凶。行失類也。

胡氏曰。初上二陽。衆陰所資以養者也。二在初之上。反受養於初。則爲顛。顛。又違五正。應。則爲拂。經。若往而求養於上。必有凶。六二在他卦爲柔順中正。在頤則爲動於口體。初動於六四。二則下爲初九所動。上爲上九所動。而有所從。一无所利。艮爲山。上九在外而高。有丘象。○雙湖胡氏曰。二之顛。顛與四同。拂。經與五同。而吉凶異者。顛養之道。以安靜爲无失。二動體。故顛拂而凶。四五靜體。故雖顛拂亦吉。震三爻凶。艮三爻吉。可見矣。

傳。征而從上則凶者。非其類故也。往求而失其類。得凶

宜矣。行往也。初上皆非其類也。雲峯胡氏曰。初上二陽皆非其應。故

類曰失

六三。拂頤。貞凶。十年勿用。无攸利。

傳。頤之道。唯正則吉。三以陰柔之質而處。一有不中正。

又在動之極是柔邪不正而動者也。其養如此。拂違於頤之正道。是以凶也。得頤之正。則所養皆吉。求養養人。則合於義。自養則成其德。三乃拂違正道。故戒以十年。勿用十。數之終。謂終不可用。无所往而利也。



陰柔

不中正。以處動極。拂於頤矣。既拂於頤。雖正亦凶。故其

象占如此。

雙湖胡氏曰。六三不正而云貞凶者。蓋謂拂頤之常理。雖貞且凶。況不正乎。其凶必矣。○

雲峯胡氏曰。諸家多以爲拂頤之貞。故凶。本義謂既拂於頤。雖正亦凶。蓋謂之拂頤貞凶。疑與拂經同意。但曰拂頤。則又不止拂經而已。雖貞亦凶。況不貞乎。三陰柔不中正。又居動極。人皆求頤於上。三獨拂之而隨下體之動。是自拂於頤矣。故不但曰凶。且曰十年勿用。无攸利。下三爻皆動。故凶。三動之極。故貞。十。數之終。互坤象。

象曰。十年勿用。道大悖也。

所以戒終不可用。以其所由之道大悖義理也。中溪張氏


曰。悖。釋。拂義。

六四。顛頤吉。虎視眈眈。其欲逐逐。无咎。

傳四在人上。大臣之位。六以陰居之。陰柔不足以自養。況養天下乎。初九以剛陽居下。在下之賢也。與四為應。四又柔順而正。是能順於初。賴初之養也。以上養下則為順。今反求下之養。顛倒也。故曰顛頤。然已不勝其任。求在下之賢而順從之。以濟其事。則天下得其養而已。无曠敗之咎。故為吉也。夫居上位者必有其一作才德威望。為下民所尊畏。則事行而眾心服從。若或下易其上。

則政出而人違。刑施而怨起。輕於陵犯。亂之由也。六四雖能順從剛陽。不廢厥職。然質本陰柔。賴人以濟。人之所輕。故必養其威嚴。耿耿然如虎視。則能重其體貌。下不敢易。又從於人者。必有常。若間或无繼。則其政敗矣。其欲謂所須用者。必逐逐相繼而不乏。則其事可濟。若取於人而^繼无繼。則困窮矣。既有威嚴。又所施不窮。故能无咎也。二顛頤。則拂經。四則吉何也。曰。二在上而反求養於下。下非其應類。故爲拂經。四則居上位以貴下賤。使在^{在一字无}下之賢由己以行其道。上下之志相應而^{有一}字。澤施於民。何吉如之。自三以下養口體者也。四以上養

德義者也。以君而資養於臣。以上位而賴養於下。皆養

德也。柔居上而得正。所應又正。而賴其養以施於

下。故雖顛而吉。虎視眈眈。下而專也。其欲逐逐。求而繼

也。又能如是。則无咎矣。朱子曰。頤六四。一爻理會不得。雖是恁地解。畢竟曉不得。如何。

是施於下。又如何。是虎六五。陰柔之才。但守正則吉。故不可以涉患難。問虎視眈眈。本義以為下而專也。蓋賴

其養以施於下。必有下專之誠。方能无咎。程傳作欲立威嚴。恐未必然。曰。頤卦難看。正謂此等。且虎視眈眈。必

有此象。但今未曉耳。董銖曰。音辯。載馬氏云。眈眈。虎下視貌。則當為下而專矣。曰。然。又問其欲逐逐如何。曰。求

養於下。以養人。必當繼繼求之。不厭乎數。然後可以養人而不窮。不然。則所以養人者。必无繼矣。以四而賴養

於初。亦是顛倒。但是求養以養人。所以雖顛而吉。○南軒張氏曰。虎視常垂首。按荀九家易。良有虎象。○臨川

吳氏曰。陰柔不能自養。而求養在下之賢。以養其德者。夫求養人才有不足。而求益於在下之賢。以養其德者。夫求養

於外者莫如虎。虎視常下。四之於初。其下賢求益之心。必如虎之視下求食而後可。其視下也。專一而不它。其欲食也。繼續而不歇。如是。則於人不貳。於己不自足。乃得居上求下之道。苟下賢之心不專。則賢者不樂告以善矣。求益之心不繼。則未少有得而止矣。○雲峯胡氏曰。二與四柔順得正。皆曰顛頤。而吉凶不同。何也。卦有二陽。衆陰所資以養者。二下比初之陽。又欲上求上之陽。兩用其心。故凶。六四柔順。唯知下應初剛。上非其應也。虎視眈眈。下視初九之陽。而專不以上之陽問之也。其欲逐逐。求於初之陽者。不已也。求養於下以養人。求之既專。又繼續求之不厭乎數。故其養人不窮。非特吉。且无咎矣。

象曰。顛頤之吉。上施光也。

施始
致反

傳顛倒求養而所以吉者。蓋得剛陽之應。以濟其事。致

已居上之德。施光明被于天下。吉孰大焉。

六五。拂經。居貞吉。不可涉大川。

傳六五頤之時居君位養天下者也。然其陰柔之質才不足以養天下。上有剛陽之賢。故順從之。賴其養已以濟天下。君者養人者也。反賴人之養。是違拂於經常。既以己之不足而順從於賢師傅。上師傅之位也。必居守貞固。篤於委信。則能輔翼其身。澤及天下。故吉也。陰柔之質元貞剛之性。故戒以能居貞則吉。以陰柔之才。雖倚賴剛賢。能持循於平時。不可處艱難變故之際。故云不可涉大川也。以成王之才。不至甚柔弱也。當管蔡之亂。幾不保於周公。況其下者乎。故書曰。王亦未敢誚公。賴二公得終信。故艱險難一作之際。非剛明之主。不可恃。

也。不得已而濟艱險者則有矣。發此義者。所以深戒於
為君也。於上九則據為臣致身盡忠之道言。故不同也。



六五陰柔不正。居尊位而不能養人。反賴上九之

養。故其象占如此。

朱子曰。六五居貞吉。猶洪範用靜吉。用作凶。所以不可涉大川。六五不能

養人。反賴上九之養。是已拂其常矣。故守常則吉。而涉險阻則不可也。此卦下體三爻皆是自養。上體三爻皆

是養人。不能自求所養。而求人以養已。則凶。故下三爻皆凶。求於人以養其下。雖不免於顛拂。畢竟皆好。故上

三爻皆吉。○古為徐氏曰。上養下者。常也。五以君位。无剛健之德。不足以養天下。方待上九之養。亦拂其常者

也。於是獨不言顛。而於上九言由顛。其意微矣。○瀘川毛氏曰。六五。君也。養人者。其事也。養賢者。其道也。而爻

則陰也。二者胥失之。是拂其常者也。无事獨可以分相縻。故曰居貞吉。欲有所為。則難以濟矣。故曰不可涉大

川。○雲峯胡氏曰。二與四言顛。顛者。皆在初之上。而反求養於初也。五與二皆言拂。經者。二五相應。經也。今則

二拂五而求養於初。五拂二而求養於上也。五獨不言頤者。由豫在九四。故五獨不言豫。由頤在上九。故五獨不曰頤也。然彼貞疾而此居貞吉。彼在豫之時以柔乘剛。此在頤之時以柔承剛也。六二亦拂頤而彼曰凶。此曰吉者。何也。下三爻動皆凶。上三爻靜皆吉。故曰征凶。動而凶也。曰居貞吉。靜而吉也。居貞吉。猶云用靜吉。謂自養可也。不可涉大川。猶云用作凶。謂欲以養人不可也。艮爲止。有居之象。

象曰。居貞之吉。順以從上也。

傳居貞之吉者。謂能堅固順從於上九之賢。以養天下也。中溪張氏曰。五不恃其尊。能柔順以從上九之賢。賴之以養天下。真聖人養賢以及萬民之事也。然六二拂經而凶者。以動而求上也。六五拂經而吉者。以靜而從上也。

上九。由頤厲吉。利涉大川。

傳上九以剛陽之德居師傳之任。六五之君柔順而從

於己。賴己之養。是當天下之任。天下由之以養也。以人

臣而當是任。必常懷危厲則吉也。如伊尹周公何嘗不

憂勤兢畏。故得終吉。夫以君之才不足而倚賴於己身

當天下之一字大任。宜竭其才力。濟天下之艱危。成天下

之治安。故曰利涉大川。得君如此之專。受任如此之重。

苟不濟天下艱危。何足稱委遇而謂之賢乎。當盡誠竭

力而不顧慮。然惕厲則不可忘也。**本義**六五賴上九之

養以養人。是物由上九以養也。位高任重。故厲而吉。陽

剛在上。故利涉川。建安丘氏曰。養人之權在五。而已居其上。為衆所歸。位高任重。易失之專。

故必以危厲處之。而後得吉也。○雲峯胡氏曰。六五君也。君不能養人。而賴上九之養以養天下。是上九者。頤

之由五不利涉大川而上則利涉大川。五柔而上剛也。
○隆山李氏曰。豫九四曰。由豫者。即由頤之謂也。由豫
在四。猶下於五也。而已有可疑之迹。乃今由頤在上。則
過中而嫌於不安。故厲然艮止之性。雖使之當權。亦必
不致於侵暴。以招凶。而況君子居此。要之以仁德。為養
使天下皆被其澤。何嫌之有。故由豫則終於勿疑。由頤
則雖厲而吉也。此非周
公之才德。不足以勝此。

象曰。由頤厲吉。大有應也。

傳若上九之當大任如是。能兢畏如是。天下被其德澤。

是大有福慶也。

三爻。是養人。六四六五。雖是資人。以為養。上

之養。其實是他居尊位。藉人以養。而又推以養人。故此
三爻似都是養人之事。○厚齋馮氏曰。頤者。養也。養人。


亦所以自養也。六爻之中。動而從人。以求養者。皆凶。靜
而受人之養者。皆吉。○隆山李氏曰。頤六爻。上三爻皆

吉。下三爻皆凶。蓋下體震。易失於妄動。上體艮。知止其
所當止。故也。觀此。則君子之所養當如何哉。○西溪李

氏曰。口容止。故頤貴止不貴動。而艮上三爻皆吉。震下
三爻皆凶。○建安丘氏曰。陽實陰虛。實者養人。虛者求
人之養。故四陰皆求養於陽者。然養之權在上。是二陽
爻又以上為主。而初陽亦求養者也。故直於上九一爻
曰由
頤焉

周易傳義大全卷之十

周易傳義大全卷之十一




巽下
兌上

傳

大過序卦曰。頤者養也。不養則不可動。故受之以大過。凡物養而後能成。成則能動。動則有過。大過所以次頤也。爲卦上兌下巽。澤在木上。滅木也。澤者潤養於木。乃至滅沒於木。爲大過之義。大過者。陽過也。故爲大者。過過之大。與大事過也。聖賢道德功業。大過於人。凡事之大。過於常者。皆是也。夫聖人盡人道。非過於理也。其制事以天下之正理。矯失之用。小過於中者。則有之。如行過乎恭。喪過乎哀。用過乎儉。是也。蓋矯之小過而後。

周易傳義大全卷之十一



巽下
兌上

傳大過序卦曰。頤者養也。不養則不可動。故受之以大過。凡物養而後能成。成則能動。動則有過。大過所以次頤也。爲卦上兌下巽。澤在木上。滅木也。澤者潤養於木。乃至滅沒於木。爲大過之義。大過者。陽過也。故爲大者。過過之大。與大事過也。聖賢道德功業大過於人。凡事之大過於常者皆是也。夫聖人盡人道。非過於理也。其制事以天下之正理。矯失之用。小過於中者。則有之。如行過乎恭。喪過乎哀。用過乎儉。是也。蓋矯之小過而後

能及於中。乃求中之用也。所謂大過者。常事之大者耳。

非有過於理也。唯其大。故不常見。以其比常所見者大。

故謂之大過。如堯舜之禪讓。湯武之放伐。皆由此一字有道

也。道无不中。无不常。以世人所不常一作見。故謂之大

過於常也。或問程易說大過。以為大過者。常事之大者耳。非有過於理也。聖人盡人道。非過於理。是

此意否。朱子曰。正是如此。○易傳云。道无不中。无不常。聖人有小過。无大過。看來亦不消如此說。聖人既說有

大過。直是有此事。雖云大過。亦是常理。始得。○問大過

小過。先生與伊川之說不同。曰。然。伊川此論。正是如此。以

反經合道。為非相似。殊不知大過自有大過時節。小過

之時。則當為小過之事。○大過是事之大過。小過是事

之小過。大過便如堯舜之揖遜。湯武之征伐。獨互不懼。

遜世元悶。這都是常人做不得底事。唯聖人大賢以上

便做得。故謂之大過。是大過。是大過。是人底事。小過便如行過乎

恭喪過乎哀。用過乎儉。事之小過。得此子底。常人皆能之。若當大過時。做大過底事。當小過時。做小過底事。當過而過。理也。如此。則豈可謂事之過。不是事之過。只是事之平常也。大過之事。聖人極是。不得已處。且如堯舜之有朱均。豈不欲多擇賢輔。以立其子。然理到這裏。做不得。只得如此。湯武之於桀紂。豈不欲多方恐懼之。使之悔過。自省。然理到這裏。做不得。只得放伐而後已。皆是事之不得已處。只著如此做。故雖過乎事。而不過乎理也。

大過棟橈利有攸往亨

橈乃教反

傳

小過陰過於上下。大過陽過於中。陽過於中而上下

弱矣。故為棟橈之象。棟取其勝重。四陽聚於中。可謂重矣。九三九四皆取棟象。謂任重也。橈取其本末弱。中強而本末弱。是以橈也。一作橈取其本末弱。是以橈也。陰弱而陽強。君子盛而小人衰。故利有攸往而亨也。棟。今人謂之



大。陽也。四陽居中過盛。故為大過。上下二陰不

勝其重。故有棟橈之象。又以四陽雖過而二五得中。內

巽外說。有可行之道。故利有所往而得亨也。隆山李氏

而居中。有棟之象。而上下二陰柔而無力。是上无所附

而。下无所寄也。安得不橈。大壯凡四陽。而在下者亦壯。

故上棟下宇。取諸其象者。得所載也。今大者過乎剛。而

无所附。小者過乎柔。而不能載。是棟將壓而危之甚也。

雜卦曰。大過。顛也。大厦之顛。非一木所能支。是必過而

求濟。然後可。故曰。利有攸往。亨。○雲峯胡氏曰。既曰棟

橈。又曰。利有攸往。亨。何也。曰。棟橈。以卦象言也。利往而

後亨。是不利有攸往。大有為之才。而天下亦无不可為之事。

以占言也。○臨川吳氏曰。大過。陽之盛也。有棟橈之象。

何也。中有四陽之強。而上下猶有二陰之弱也。聖人崇

陽之意多。以其未能如純乾之六陽。故取

大者雖過。而棟猶橈。蓋有所不足於此也。

彖曰。大過。大者過也。

傳大者過。謂陽過也。在事為事之大者過。與其過之大

本義以卦體釋卦名義

棟撓本末弱也

傳謂上下二陰衰弱。陽盛則陰衰。故為大者過。在小過

則曰小者過。陰過也。**本義**復以卦體釋卦辭。本謂初。末

謂上。弱謂陰柔。史氏詠曰。古文篆體本末字皆无勾脚。兩字皆當從木。以一陽畫藏於木之下。

則根株回暖。故為本。以一陽畫散於木之上。則枝葉向榮。故為末。而大過卦體巽下兌上。四陽畫積於中。二陰

畫處於初上。猶之木焉。上缺下短。所以為本末弱也。

剛過而中。巽而說行。利有攸往。乃亨。說音悅

傳言卦才之善也。剛雖過而二五皆得中。是處不失。不失

一作得

中道也。下巽上兌。是以巽順和說之道而行也。在

大過之時。以中道巽說而行。故利有攸往。乃所以能亨

也。

本義

又以卦體卦德釋卦辭。

進齋徐氏曰。卦以初為本。上為末。初上皆柔。故

曰本末弱。剛過而中。以二五言。巽而說。以二德言。處大過之世。四陽過盛。必用剛而得中。內巽而外說。則可以抑中強之弊。而扶本末之弱。雖過不過矣。以是而往。宜其亨也。○建安丘氏曰。棟橈本末弱。此以成卦之義言。大過也。剛過而中。巽而說。行此以卦才言。所以救過之道。蓋剛而得中。則不過。巽而說。行則能往。所以亨也。

大過之時大矣哉

傳

大過之時。其事甚大。故贊之曰大矣哉。如立非常之

大事。興不世之大功。成絕俗之大德。皆大過之事也。

本義

大過之時。非有大過人之材。不能濟也。故歎其大

進齋

徐氏曰。時字當玩。自是時節當如此。適其時。當其事。雖曰大過而不悖於道。所謂剛過而中。巽而說行者。如堯舜之禪授。而謳歌獄訟之皆歸。湯武之放伐。而後堯舜師之。恐後。所以成大功。而濟於時焉。苟非其時。則堯舜亦且傳子。而不傳賢矣。湯武亦只是守臣節。而不敢革夏革殷矣。時不可失。此聖賢所以當大運。立大事。成大業也。否則大亂之道。而謂之利且亨。可乎。○雲峯胡氏曰。他卦多是釋卦辭後。復引天地聖人而言之。是極言以贊其時之大。大過方釋卦辭。遽曰大過之時大矣哉。故本義以大過人之才言之。所謂才者。指上文卦才而言也。蓋大過之事甚大。无其時。不可過。有其時。无其才。愈不可過。本義之意深矣。

象曰。澤滅木。大過。君子以獨立不懼。遯世无悶。

傳

澤潤養於木者也。乃至滅沒於木。則過甚矣。故為大

過。君子觀大過之象。以立其大過人之行。君子所以大過人者。以其能獨立不懼。遯世无悶也。天下非之而不

顧獨立不懼也。舉世不見知而不悔。遯世无悶也。如此

然後能自守。所以為大過人也。人一元
本義 澤滅於木。大

過之象也。不懼无悶。大過之行也。朱子曰。澤滅於木。澤在下而木在上。今澤水

高漲乃至浸沒了木。是為大過。木雖為水浸而未嘗動。故君子觀之。而獨立不懼。遯世无悶。○建安丘氏曰。澤

本潤木。今在木上而至於沒木。大過之象也。然木在澤下。澤過乎木而木不仆。君子觀象以之。立大過人之行。

故用之則獨立不懼。舍之則遯世无悶。人之常情。獨立而莫我輔者必懼。遯世而莫我知者必悶。惟聖賢之卓

行絕識大過乎人。故能不懼无悶。獨立不懼。巽木象。周公當之。遯世无悶。允說象。顏子當之。○童溪王氏曰。當

大過之時。獨立不懼。遯世无悶。非所養之大過人者。不足以語此。孔子曰。勇者不懼。仁者不憂。是已。

初六。藉用白茅。无咎。藉在夜反

傳 初以陰柔巽體而處下。過於畏慎者也。以柔在下。用

茅藉物之象。不錯諸地而藉以茅。過於慎也。是以无咎。
茅之爲物。雖薄而用可重者。以用之能成敬慎之道也。
慎守斯術而行。豈有失乎大過之用也。繫辭云。苟錯諸
地而可矣。藉之用茅。何咎之有。慎之至也。夫茅之爲物
薄而用可重也。慎斯術也以往。其无所失矣。言敬慎之
至也。茅雖至薄之物。然用之可甚重。以之藉薦。則爲重
慎之道。是用之重也。人之過於敬慎。爲之非難。而可以
保其安而无過。苟能慎一有思字斯道。推而行之。於事其无
所失矣。**本義**當大過之時。以陰柔居巽下。過於畏慎。而
无咎者也。故其象占如此。白茅。物之潔者。朱子曰。藉用白茅。亦有過

慎之意。此是大過之初。所以其過尚小。○節齋蔡氏曰。錯諸地而又藉以茅。過於厚也。藉以初言柔。以六言○中溪張氏曰。茅柔物也。巽為白。○雲峯胡氏曰。成卦以一棟橈為象。三四爻亦取棟象。使六爻不出乎棟橈之一說。則付天下之事於不可為。然後已。故又因爻象而別發其義。初九以柔承上剛。剛易缺折。而柔以藉之。則可无傷。如物撐諸地可矣。而必有以藉之。藉之用茅可矣。而必用白茅。此戒慎恐懼之過者也。故其占无咎。

象曰。藉用白茅。柔在下也。

傳以陰柔處卑下之道。唯當過於敬慎而已。以柔在下。

為以茅藉物之象。敬慎之道也。隆山陳氏曰。柔在下上承四剛。故有白茅藉物

之象也。

九二。枯楊生稊。老夫得其女妻。无不利。稊徒藉反。

傳陽之大過。比陰則合。故二與五皆有生象。九二當大

過之初得中而居柔與初密比而相與。初既切比於二。二復无應於上。其相與可知。是剛過之人而能以中自處。用柔相濟者也。過剛則不能有所爲。九三是也。得中用柔則能成大過之功。九二是也。楊者。陽氣易感之物。陽過則枯矣。楊枯槁而復生。稊陽過而未至於極也。九二陽過而與初。老夫得女妻之象。老夫而得女妻。則能成生育之功。二得中居柔而與初。故能復生稊而无過極之失。无所不利也。在大過。陽爻居陰則善。二與四是也。二不言言。方言无所不利。未遽至吉也。稊根也。劉琨勸進表云。生繁華於枯莢。謂枯根也。鄭玄易亦作莢字。

與稊同（本義）陽過之始而比初陰。故其象占如此。稊根

也。榮於下者也。榮於下則生於上矣。夫雖老而得女妻

猶能成生育之功也。

雲峯胡氏曰。巽為木。兌為澤。楊近澤之木。故以取象。枯楊大過象。稊。

初在下象。老夫九象。女妻初柔在下象。九二陽雖過而下比於陰。如枯楊雖過於老。稊榮於下。則復生於上矣。老夫而得女妻。雖過以相與。終能成生育之功。无他以陽從陰。過而不過。生道也。○凍水司馬氏曰。大過剛已過矣。止可濟之以柔。不可濟之以剛也。故大過之陽皆以居陰為吉。不以得位為美。○龜山楊氏曰。聞之蜀僧云。四爻之剛雖同為木。然或為楊。或為棟。棟負眾棟。則木之強者也。楊為早凋。則木之弱者也。此卦本末皆弱。二近於本。五近於末。故均為木之弱也。

象曰。老夫女妻過以相與也。

（傳）老夫之說。少女。少女之順老夫。其相與過於常分。謂

九二初六陰陽相與之和過於常也

九三棟桡凶

傳夫居大過之時興大過之功立大過之事非剛柔得中取於人以自輔則不能也既過於剛強則不能與人同常常之功尚不能獨立况大過之事乎以聖人之才雖小事必取於人當天下之大任則可知矣九三以大過之陽復以剛自居而不得中剛過之甚者也以過甚之剛動則違於中和而拂於衆心安能當大過之任乎故不勝其任如棟之桡傾敗其室是以凶也取棟爲象者以其无輔而不能勝重任也或曰三巽體而應於上

豈无柔之象乎。曰。言易者貴乎識勢之重輕時之變
易。三居過而用剛。巽既終而且變。豈復有用柔之義。應
者。謂志相從也。三方過剛。上能繫其志乎。**本義** 三四二

爻居卦之中。棟之象也。九三以剛居剛。不勝其重。故象

撓而占凶

雲峯胡氏曰。屋以棟為中。三視四則在下。棟撓於下之象。四在上。棟隆於上之象。然三之

撓

有二。以剛居剛。過剛則折。一也。應上之柔。柔不能輔

二也

○雙湖胡氏曰。九三以剛居剛。本无撓象。而本義

云。不勝其重。故撓者。非謂九三自不勝其重。指初六柔

弱。故不勝其重耳。又以全體觀之。三四為棟。三在四下。

亦有傾撓之象。彖稱棟撓獨九三當之。其致撓之由者

歟。○西溪李氏曰。下卦上實而下弱。下弱則上傾。故三

居下卦之上而曰棟撓凶。言下卦弱而无助也。上卦上弱

而下實。下實則可載。故四居上卦之下而曰棟隆吉。言

下實而不撓也。此二

爻當分上下體看

象曰。棟橈之凶。不可以有輔也。



剛強之過。則不能取於人。人亦不能肯一作親輔之。如

棟橈折。不可支輔也。棟當室之中。不可加助。是不可以

有輔也。或問大過棟橈。是初二陰不能勝四陽之重。故有此象。九三是其重剛不中。自不能勝其任。

亦有此象。兩義自不同。否。朱子曰。是如九三。又是與上六正應。亦皆不好。不可以有輔。自是過於剛強。輔他

不得。九四棟隆。只是隆。便不橈乎。下○中溪張氏曰。雜卦云。大過顛也。大厦之顛。非一木所能支。三以剛居剛。

剛之過者。過剛則折。故棟橈之凶。九三獨當之。況三與上應。上復以柔居柔。不勝其重。故曰不可以有輔也。

九四。棟隆吉。有它吝。



四居近君之位。當大過之任者也。居柔為能用柔。相

濟。既不過剛。則能勝其任。如棟之隆起。是以吉也。隆起。

兼一有字取不下撓之義。大過之時。非陽剛不能濟。以剛處

柔為得宜矣。若又與初六之陰相應。則過也。既剛柔得

宜而志復。應陰是有它也。有它則有累於剛。雖未至於

大害。亦可吝也。蓋大過之時。動則過也。有它。謂更有它

志。吝為不足之義。謂可少也。或曰。二比初。則无不利。四

若應。初則為吝何也。曰。二得中而比於初。為以柔相濟

之義。四與初為正應。志相繫者也。九既居四。剛柔得宜

矣。復牽繫於陰。以害其剛。則可吝也。潘氏夢旂曰。九四

象也。以剛居柔。乃適其平。是以隆而吉也。然下與初六

之小人為應。非惟不足以信用。而又益以陰。則反過乎。

柔矣。故有它則吝也。○徂徠石氏曰。四雖與初為

應。然上附九五之君。不為初所撓。故得棟隆之吉。

本義

以陽居陰過而不過故其象隆而占吉。然下應初

六以柔濟之則過於柔矣故又戒以有它則吝也

蔡節齋氏

曰。它。謂初也。四位高。初柔在下不能致撓。故曰棟隆吉。然與初應。或牽於柔。亦吝道也。故曰有它吝。○雲峯胡

氏曰。九四棟隆亦有二義。剛而能柔。一也。三應上是救其末。四應初是救其本。上六以柔居柔為陰之極。初六

以柔居剛猶可以復生於下。四應之。則如棟之不撓乎。故二比之。則如梯之復生於下。四應之。則如棟之不撓乎。

也下

象曰棟隆之吉不撓乎下也

傳棟隆起則吉不撓曲以就下也謂不下繫於初也

臨川

吳氏曰。下。謂初也。不撓乎下。謂不因下之弱而至於撓也。○合沙鄭氏曰。大過棟撓由本末弱。然實以本為重。四居大臣之位而應乎初。救其本也。救其本於未過之初。故棟隆而不撓乎下。其下不撓其棟烏得而不隆哉。

三所居不得位而應乎上。救其末也。救其末於已過之後。故棟橈而不可以有輔。則知救過於其末。不若救過於其本也。

九五。枯楊生華。老婦得其士夫。无咎无譽。



九五當大過之時。本以中正居尊位。然下无應助。固

不能成大過之功。而上比過極之陰。其所相濟者如枯

楊之生華。枯楊下生根。穉則能復生。如大過之陽興成

事功也。上生華秀。雖有所發。无益於枯也。上六過極之

陰。老婦也。五雖非少。比老婦則為壯矣。一作壯夫於五

无所賴也。故反稱婦得。過極之陰得陽之相濟。不為无

益也。以士夫而得老婦。雖无罪咎。殊非美也。故云无咎

无譽。象復言其可醜也。

本義

九五陽過之極。又比過極

之陰。故其象占皆與二反。

藍田呂氏曰。九二在初六之

嫁者也。九五在上六之下。少於上六。故曰士夫。士夫未娶

者也。○雲峯胡氏曰。枯楊而稊。可以復生。枯楊而華。速

其死也。老夫得其女妻。猶可生育。士夫而有老婦。无復

生道矣。故反稱老婦得其士夫。謂上六也。陰柔過極。得

陽不為无益。云无咎者。陰欲陽。非陽之咎也。然亦非美

矣。○厚齋馮氏曰。合二五兩爻象觀之。九二。枯楊。老夫

之象也。初六。生稊。女妻之象也。則九五當為楊。而今以

上六為枯。楊。老婦。九五反為生。華。士夫何也。易之意。蓋

以枯象老。在陽爻則為夫。在陰爻則為婦。而楊者不拘

於陰陽之爻也。又曰。聖人立象以盡意。天下事物之變

无

不備者。老夫之得女妻。再娶女之夫也。老婦之得士

夫。婦再嫁而夫未娶也。凡人倫之變。備見於象矣。○兼

山

郭氏曰。老夫女妻。剛為主而柔輔之。大過之得也。故

无不利。老婦士夫。則柔為主而剛輔之。大過之失也。故

无

譽。

易傳義大全卷二十一

大過

象曰。枯楊生華。何可久也。老婦士夫。亦可醜也。



枯楊不生根而生華。旋復枯矣。安能久乎。老婦而得

士夫。豈能成生育之功。亦為可醜也。

古為徐氏曰。二以剛居柔。初以柔居

剛。此不過者也。又在卦初。故其過以相與。可以成生育之功。五以剛居剛。上以柔居柔。皆過者也。又在卦終。故

其陰陽相比。祇以為醜。

上六。過涉滅頂。凶。无咎。



上六以陰柔處過極。是小人過常之極者也。小人之

所謂大過。非能為大過人之事也。直過常。越理不恤。危

亡。履險蹈禍而已。如過涉於水。至滅沒其頂。其凶可知。

小人狂躁以自禍。蓋其宜也。復將何尤。故曰无咎。言自

為之。无所怨咎也。因澤之象而取涉義。誠齋楊氏曰。水

不足以徒滅其身。其凶大矣。○中溪張氏曰。上以陰柔而

難而徒滅其身。其凶大矣。○中溪張氏曰。上以陰柔而

躡居四陽之上。乃過之首者。首即頂也。若過涉於水。本

欲有濟。苟不量深淺而至於滅沒其頂。凶則宜矣。非无

咎也。不可歸咎於人。當自咎爾。

於人。當自咎爾。

處過極之地才弱不足以濟。然於義為无咎矣。蓋殺

身成仁之事故其象占如此。朱子曰。過涉滅頂凶。无咎。

咎也。不似伊川說。○雲峯胡氏曰。初六藉用白茅。過於

畏懼者也。故无咎。上六過涉滅頂。過於決裂者也。其事

雖凶。於義亦无咎。然亦惟其時而已。初者事之端。能慎

其端。往可无失。上者事之極。極則不可有為矣。故本義

以殺身成仁之事當之。

象曰。過涉之凶。不可咎也。

傳過涉至溺乃自爲之不可以有咎也言无所怨咎子朱

曰。過涉滅頂凶无咎。象曰不可咎也。如東漢諸人不量
深淺。至於殺身亡家。此雖是凶。然而其心何罪。故不可
咎也。又曰。大過。陽剛過盛。不相對值之義。故六爻中无
全吉者。除了初六。是過於畏慎。无咎外。九二雖无不利。
然老夫得女妻。畢竟是不相當。所以象言過以相與也。
九四雖吉。而又有他則吝。九五所謂老婦者。乃是指客
爻而言。老婦而得士夫。但能无咎。无譽。亦不爲全吉。至
於上六。過涉滅頂凶无咎。則是事雖凶。而義則无咎也。
○厚齋馮氏曰。易大抵上下畫停者。從中分反對爲象。
非他卦相應之例也。頤中孚小過皆然。而此卦尤明。三
與四對。皆爲棟象。上隆下撓也。二與五對。皆爲枯楊之
象。上華下穉也。初與上對。初爲藉用白茅之慎。上爲過
涉滅頂之凶也。○建安丘氏曰。大過四陽二陰。陽過乎
陰。論全卦。則三四兩爻重剛不中。過者也。重剛而不中。
則是過在三四。而不在二五。論爻位。則二四以剛居柔。
不過者也。故一吉而一利。三五以剛居剛。過者也。故一
凶。一可醜。是過在三五。而不在二四。觀爻所指之辭。可
見矣。至初上二柔。亦以不過者爲美。然初陰伏於四陽

之下。承剛也。故藉用白茅无咎。上陰躡乎四陽之上。乘剛也。故過涉滅頂凶。是知處大過之世。不惟不欲剛之過。而柔亦不容過於剛也。○雙湖胡氏曰。或疑頤與大過對者也。何不名為小過。中孚與小過對者也。何不名為大過。蓋大過以四陽在中言。小過以四陰在外言。此是聖人內陽外陰之微意。以陽自內而過者為主。陰自外而過者為客。大過四陽過盛於內而主勝於客。若頤之四陰在內。不可以陰為主矣。故不名之曰小過。而自取象於頤。小過四陰過盛於外而客勝於主。若中孚之四陽在外。不可以陽為主矣。故不名之曰大過。而自取象於中孚。况當大過之時。陽之在內者四。而陰之在外者二。陽盛而陰衰也。今至小過。陽之在內者四。而陰之在外者二。陽盛而陰衰也。今至小過。陽之在內者四。而陰之在外者二。盛而陽反衰矣。此大過小過之辨也。



坎下
坎上



習坎。序卦。物不可以終過。故受之以坎。坎者陷也。理无過而不已。過極則必陷。坎所以次大過也。習。謂重習。

他卦雖重不加其名。獨坎加習者。見其重險。險中復有險。其義大也。卦中一陽。上下二陰。陽實陰虛。上下无據。一陽陷於二陰之中。故為坎陷之義。陽居陰中則為陷。陰居陽中則為麗。凡陽在上者。止之象。在中。陷之象。在下。動之象。陰在上。說之象。在中。麗之象。在下。巽之象。陷則為險。習重也。如學習溫習。皆重複之義也。坎陷一作險也。卦之所言處險難之道。坎水也。一始於中有生之最先者也。故為水。陷水之體也。或問程傳云。一始於中有生之最先者也。故為水。未陽氣之生。必始於下。復卦之象是也。今日始於中。其義如何。朱子曰。氣自下而上為始。程說別是一義。各有所主。不相妨。然亦不可相雜。○隆山李氏曰。乾坤三畫。以初相易而成震巽。以中相易而成坎離。以三相易而成

艮兌。故乾坤者。陰陽之祖。而坎離。則天地之中也。坎居正北。於時為子。為夜之中。離居正南。於時為午。為日之中。夜之中。而一陽生焉。故坎之三畫。一陰居中。天地陰陽之中。此而一陰生焉。故離之三畫。一陽居中。天地陰陽之中。此乃造化張本之地。故易上經始乾坤。而終坎離。貴其得天地陰陽之中。而為易之用也。且天一下降。坎中。在物為水。而在人。為精。以畫觀之。坎之一陽居中。而中實。即精藏於中。而水積於淵之象也。地二上兆。離中。在物為火。而在人。為神。以畫觀之。離之一陰在中。而中虛。即神寓于心。而火明于空之象也。坎之中實。是為誠。離之中虛。是為明。中實者。坎之用。中虛者。離之用也。作易者。因坎離之中。而寓誠明之用。誠明起于中者。易之妙用。而古聖人之心學也。

習坎有孚。維心亨。行有尚。

傳陽實在中。為中有孚信。維心亨。維其心誠一。故能亨通。至誠可以通金石。蹈水火。何險難之不可亨也。行有

尚謂以誠一而行則能出險有可嘉尚謂有功也不行

則常在險中矣



習重習也坎險陷也其象為水陽

陷陰中外虛而中實也此卦上下皆坎是為重險中實

為有孚心亨之象以是而行必有功矣故其占如此

平庵

項氏曰重卦坎字在六十四卦之先故加習字以起後

者六爻只一爻故也○建安丘氏曰人之處坎身可陷

而心不可陷故曰維心亨心亨則非坎矣心不亨則失

處險之道又曰坎一陽處二陰之中陰虛則流故亨通

○誠齋楊氏曰水內陽而外陰故其明內景維心亨也

○中溪張氏曰九二九五陷于坎中而剛德自若此維

心亨之象也○雲峯胡氏曰六子卦皆重此獨加一習

字或以為序卦適居六子之先坎言重他可知矣或以

為象曰龜蛇方曰北曰朔而太玄配罔與冥人之腎兩

皆有重義他卦亨字本義例以為占維此則曰中實為

有孚心亨之象蓋他卦言占事之亨也此言象心之亨

也。陽實有孚之象。陽明在內。心亨之象。心有主則實。此心見得事理實是如此。心既透徹。由是斷然行之。無疑。不然。此心微有不通。即是險阻。即不可行矣。故本義以亨為象。有尚為占也。

彖曰。習坎。重險也。

重直龍反

本義

釋卦名義

水流而不盈。行險而不失其信。

傳

習坎者。謂重險也。上下皆坎。兩險相重也。初六云坎

窞。是坎中之坎。重險也。水流而不盈。陽動於險中而未出於險。乃水性之流行而未盈於坎。既盈則出乎坎矣。行險而不失其信。陽剛中實居險之中。行險而不失其信者也。坎中實水就下。皆為信義。有孚也。

本義

以卦象

釋有孚之義言內實而行有常也

朱子曰水流不盈是說一坎滿便流出去

此○坎又滿又流出去行險而不失其信則是說決定如○坎水只是平不解滿盈是滿出來○雲峯胡氏曰

以水字當讀流而不盈行險而不失其信兩句○皆指水言○

氏曰○流者一陽之動於中不盈者陷於二陰而未能出險謂中能陷人○隔絕內外不失其信謂逝者如斯不舍

晝夜○建安丘氏曰坎為水流水也○兌為澤止水也○兌陰卦陰靜故止坎陽卦陽動故流惟流故不盈惟不盈

故可出險若待盈而後流則澤水也

維心亨乃以剛中也

傳維其心可以亨通者乃以其剛中也中實為有孚之

象至誠之道何所不通一作亨以剛中之道而行則可以

濟險難而亨通也

行有尚。往有功也。

傳 以其剛中之才而往則有功。故可嘉尚。若止而不行。

則常在險中矣。一作也。坎以能行為功。**本義** 以剛在中心。

亨之象如是而往。必有功也。節齋蔡氏曰。剛中。二五也。往有功。動則出坎也。○息。

齋余氏曰。行有尚。即節九五之往有尚。所謂通也。

天險不可升也。地險山川丘陵也。王公設險以守其國。險

之時用大矣哉。

傳 高不可升者天之險也。山川丘陵地之險也。王公君

人者觀坎之象。知險之不可陵也。故設為城郭溝池之

險以守其國。保其民人。是有用險之時。其用甚大。故贊

其大矣哉。山河城池設險之大端也。若夫尊卑之辨。貴賤之分。明等威。異物采。凡所以杜絕陵僭。限隔上下者。皆體險之用也。

本義

極言之而贊其大也。

臨川吳氏曰。不可升者。无

形之險。山川丘陵者。有形之險。王公因有形之險。為无
形之險。設此以固守其國。是謂人險。○厚齋馮氏曰。險
有時有用。因時而設險。則國可守。而與天地相為長久。
其用豈不大矣哉。○建安丘氏曰。坎六爻。四陰陷二陽。
四陰。坎也。二陽。坎中之水也。君子觀二陽中實之象。故
體水之德。為有孚維心亨。所以處險也。觀四陰險陷之
象。故因坎之形。設險守國。所以用險也。彖易聖人於往
有功。以上專以水言。而明處險之道。自天險不可升。以
下專以險言。而明用險之方也。

象曰。水洊至。習坎。君子以常德行。習教事。

洊在薦反。行下孟反。

傳

坎為水。水流仍洊而至。兩坎相習。水流仍洊之象也。

水自涓滴至於尋丈。至於江海。洊習而不驟。一作讓者也。

其因勢就下。信而有常。故君子觀坎水之象。取其有常。

則常久其德行。人之德行不常則偽也。故當如水之有。

常。取其洊習相受。則以習熟其教令之事。夫發政行教。

必使民熟於聞聽。然後能從。故三令五申之。若驟告未。

喻。遽責其從。雖嚴刑以驅之。之一字无不能也。故當如水之。

洊習。本義治已治人。皆必重習。然後熟而安之。建安丘氏

水再至則為重習之坎。初六乃內水之方至者。六四乃外水之洊至者。君子體之。重習不已。常德行者。以此進

德也。習教事者。以此教民也。○凍水司馬氏曰。水之流也。習而不已。以成大川。人之學也。習而不止。以成大賢

也。故君子以常德行。習教事。○潘氏夢旂曰。六子皆重卦也。坎曰水洊至。離曰明兩作。震曰洊雷。艮曰兼山。巽曰

隨風。兌曰麗澤。皆取重複之義。乾坤純體也。故直曰天行地勢云。

初六習坎入于坎窞凶窞徒坎陵感二反

傳

初以陰柔

一无柔字

居坎險之下柔弱无援而處不得當

非能出乎險也唯益陷於深險耳窞坎中之陷處已在

習坎中更入坎窞其凶可知

本義

以陰柔居重險之下

其陷益深故其象占如此

臨川吳氏曰坑坎中小穴旁入者曰窞坎之柔畫象水旁

兩岸其缺象岸側小穴故曰入于坎窞○王氏曰最處坎底无應援是以凶也○雲峯胡氏曰初六六三皆以陰居坎下水性本下而又居下坎體本陷而又居陷中之陷故皆入于坎窞初又下卦之下也其占之凶固宜

象曰習坎入坎失道凶也

傳

由習坎而更入坎窞失道也是以凶能出於險乃不

失道也

中溪張氏曰。初深入於險。失其出險之道。其凶可知。是以君子惡居下流者。以此。

九二。坎有險。求小得。

傳

二當坎險之時。陷上下二陰之中。乃至險之地。是有

險也。然其剛中之才。雖未能出乎險中。亦可小自濟。不至如初。益陷入于深險。是所求小得也。君子處險難。而能自保者。剛中而已。剛則才足自衛。中則動不失宜。

本義

處重險之中。未能自出。故為有險之象。然剛而得中。

故其占可以求小得也。

丹陽都氏曰。陰為險者也。陰趨下者。出乎一陰之上。而掩乎一

陰之下。故為有險。○潘氏夢旂曰。陽剛之才。而在險中。可以小得。而未能出險也。○雲峯胡氏曰。初在重險之下。其占曰凶。三在重險之間。其占曰勿用。二之占乃曰求小得。何也。剛得中故也。豫九四互坎。而曰大有得。坎

九二剛中而僅小得何也。豫之剛動乎坤順之上。故不求而所得者大。坎之剛陷於坎險之中。故雖求之而所得者小。

象曰。求小得。未出中也。

傳方為二陰所陷在險之地。以剛中之才不至陷於深險。是所求小得。然未能出坎中之險也。

六三來之坎坎險且枕。入于坎窞。勿用。

枕針甚反

傳六三在坎陷一作險之時。以陰柔而居不中正。其處不

善。進退與居皆不可者也。來下則入于險之中。之上則重險也。退來與進之皆險。故云來之坎坎。既進退皆險而居亦險。枕。謂支倚。居險而支倚以處。不安之甚也。所

處如此唯益入於深險耳故云入于坎窞如三所處之

道

道一字之

不可用也故戒勿用

本義

以陰柔不中正而

履重險之間來往皆險前險而後枕其陷益深不可用

也故其象占如此枕倚著未安之意

朱子曰險且枕只是前後皆是險枕

便如枕頭之枕問來之坎坎曰經文中疊字如兢兢業業之類是重字來之自是兩字各有所指謂下來亦坎

上往亦坎之往也進退皆險也○童溪王氏曰乾之三處二乾之間故曰終日乾乾坎之三處二坎之間故曰

來之坎坎○雙湖胡氏曰險下險也且枕又將枕上險矣入于坎窞指六四象○雲峯胡氏曰前險而後枕枕

有兩意謂下卦為前險而六三枕之可也謂六三處前險而四又枕之亦可也初與三皆曰入于坎窞彼凶此

但勿用彼之入未能出此之入將可出也

象曰來之坎坎終无功也

傳進退皆險處又不安若用此道當益入于險終豈能有功乎以陰柔處不中正雖平易之地尚致悔咎况處險乎險者人之所欲出也必得其道乃能去之求去而失其道益困窮耳故聖人戒如三所處不可用也

六四樽酒簋二用缶納約自牖終无咎

傳六四陰柔而下无助非能濟天下之險者以其在高

位故言爲臣處險之道大臣當險難之時唯至誠見信於君其交固而不可間又能開明君心則可保无咎矣

一作也

夫欲上之篤信唯當盡其質實而已多儀而尚飾

莫如燕享之禮故以燕享喻之言當不尚浮飾唯以質

實所用一樽之酒。二簋之食。復以瓦缶爲器。質之至也。其質實如此。又須納約自牖。納約謂進結於君之道。牖一有有字。開通之義。室之暗也。故設牖所以通明。自牖言自通明之處。以况君心所明處。詩云。天之牖民。如堦如筮。毛公訓牖爲道。亦開通之謂。義一作人臣以忠信善道結於君心。必自其所明處。乃能入也。人心有所蔽。有所通。所蔽者。暗處也。所通者。明處也。當就其明處而告之。求信則易也。故云。納約自牖。能如是。則雖艱險之時。終得无咎也。且如君心蔽於荒樂。唯其蔽也。故爾。雖力詆其荒樂之非。如其不省。何必於所不蔽之事。推而及之。則

能悟其心矣。自古能諫其君者。未有不因其所明者也。故訐直強勁者。率多取忤。而溫厚明辯者。其說多行。且如漢祖愛戚姬。將易太子。是其所蔽也。群臣爭之者衆矣。嫡庶之義。長幼一作少之序。非不明也。如其蔽而不察何。四老者。高祖素知其賢而重之。此其不蔽之明心也。故因其所明而及其事。則悟之如反手。且四老人之力。孰與張良。群公卿及天下之士。其言之切。孰與周昌。叔孫通。然而不從彼而從此者。由攻其蔽與就其明之異耳。又如趙王太后愛其少子。長安君不肯使質於齊。此其蔽於私愛也。大臣諫之雖強。既曰蔽矣。其能聽乎。愛

其子而欲使之長久富貴者其心之所明也。故左師觸

龍因其

一有明所字

而導之以長久之計。故其聽也如響。非

惟告於君者如此。為教者亦然。夫教必就人之所長。所

長者。心之所明也。從其心之所明而入。然後推及其餘。

孟子所謂成德達才是也。

本義

晁氏云先儒讀樽酒簋

為一句。貳用缶為一句。今從之。貳益之也。周禮大祭三

貳。弟子職左執虛豆右執挾七。周旋而貳是也。九五尊

位。六四近之。在險之時剛柔相際。故有但用薄禮益以

誠心進結自牖之象。牖非所由之正。而室之所以受明

也。始雖艱阻終得无咎。故其占如此。

或問六四舊讀樽酒簋句

貳用缶句

本義從之。其說如何。朱子曰。既曰樽酒簋貳。又曰用缶。亦不成文理。貳。益之也。又曰。人硬說作二簋。其實无二。蓋之實。陸德明自注。斷人自不曾去看。如所謂貳乃大祭三貳之貳。是副貳之義。六四居近尊位。而在險之時。剛柔相際。故有但用薄禮。益以誠心。進結自牖之象。問牖。非所由之正。乃室中受明之處。豈險難之時。不容由正以進耶。曰。非是不可由正。蓋事變不一。勢有不容不自牖者。不由戶而自牖。以言艱險之時。不可直致也。○納約自牖。雖有向明之意。然非是路之正。終无咎者。始雖不甚好。然於義理无害。故終无咎。无咎者。善補過之謂也。○臨川吳氏曰。以尊盛酒。以簋盛食。又以缶盛酒。貳其尊。虞翻云。貳。副也。禮有副尊。故貳用缶。按周官大祭三貳。其下云。皆有酌數。皆有器量。鄭氏注。謂酌器所用。注尊中者。缶即酌器也。為尊之副。尊中之酒。謂酌器所酌此器之酒。以益之也。○雲峯胡氏曰。缶之器實。有誠實象。酒簋之禮至薄。當坎之時。不得已而用之。非益之以誠不可也。納約不自戶而自牖。亦坎之時。不得已也。○潘氏夢旂曰。樽酒簋貳。用缶與損之二簋。可用享同。意。皆言其窮約之時。不事多儀而尚誠實也。納約自牖。與睽之遇。主于巷同意。皆言其艱難之時。自問道而通。

於君也。六四居大臣之位。當坎險之時。盡其誠實。雖自
牖而納約。非其正道。終无咎也。居治平之世。由間道而
結於君。則不可矣。
惟睽坎之時。為然。

象曰。樽酒簋二。剛柔際也。

傳象只舉首句如此。比多矣。樽酒簋二。質實之至。剛柔
相際接之道。能如此。則可終保无咎。君臣之交。能固而
常者。在誠實而已。剛柔指四與五。謂君臣之交際也。

本義

晁氏曰。陸氏釋文本无貳字。今從之。

隆山李氏曰。八純卦六爻。

俱无應。惟以比而相交際。為義。居坎險之時。以漸出上
為貴。六四離下體。進而附五。有欲出險之意。真情相向。
期於濟難。不待繁文。
縟禮以達誠意也。

九五。坎不盈。祗既平。无咎。

傳

九五在坎之中。是不盈也。盈則平而出矣。祇宜音祇。

抵也。復卦云。无祇悔。必抵於己平。則无咎。既曰不盈。則

是未平而

一无面字

尚在險中。未得无咎也。以九五剛中之

才居尊位。宜可以濟於險。然下无助也。二陷於險中。未

能出。餘皆陰柔。无

非一作

濟險之才。人君雖才。安能獨濟

天下之險。居君位而不能致天下出於險。則為有咎。必

祇既平。乃得无咎。

本義

九五雖在坎中。然以陽剛中正

居尊位。而時亦將出矣。故其象占如此。

朱子曰。坎不盈。祇既平。祇字他

无說處。看來只得作抵字解。復卦亦然。不盈。未是平。但

將來必會平。二與五雖是陷於陰中。畢竟是陽會動。陷

他不得。如有孚維心亨。如行有尚。皆是也。○雲峯胡氏

曰。坎不盈。猶有險也。抵既平。則无險矣。二居重險之中。

五將出重險之外。所以二之有險。不如五之既平。○瀘川毛氏曰。水之性行則亨。止則盈。水以亨為用。不以盈也。盈則有泛溢之虞。不盈所以抵於既平。○厚齋馮氏曰。五在上卦之中。有剛明之才。居大君之位。宜有以出險矣。而上猶有一陰焉。此所以不盈而祇既平也。蓋下有坎。故水流而不盈。上无陰。則為盈之象矣。尚未出險。故祇既平而已。上一陰猶岸也。龍門之險。水流湍激。至孟津而平。乃利涉焉。以水既平也。既平則險可濟。故无咎。卦中惟二五才足以出險。而皆陷焉。二在下。上又坎。故曰有險。五在上。流下坎焉。故曰不盈。

象曰。坎不盈。中未大也。

九五剛中之才而得尊位。當濟天下之險難。而坎尚不盈。乃未能平乎險難。是其剛中之道未光大也。險難之時。非君臣協力。其能濟乎。五之道未太。以无臣也。人君之道。不能濟天下之險難。則為未大。不稱其位也。



有中德而未大

朱子曰。水之為物。其在坎。只能平。自不能盈。故曰不盈。盈。高之義。中。

未大者。平則是得中。下盈是未大也。○雲峯胡氏曰。大有六五以柔居五則曰大中。坎九五以剛居中乃曰中。未大者。大有之時。柔能統剛。重坎之時。剛猶陷於柔也。

上六係用徽纆。寘于叢棘。三歲不得凶。



上六以陰柔而居險之極。其陷之深者也。以其陷之

深。取牢獄為喻。如係縛之以徽纆。囚寘於叢棘之中。陰

柔而陷之深。其不能出矣。故云至于三歲之久。不得免

也。其凶可知。



以陰柔居險極。故其象占如此。陸氏明

曰。三股曰徽。兩股曰纆。皆索名。○莆陽張氏曰。坎為刑獄。荀九家易。坎為叢棘。傳曰。叢棘。如今之棘寺。○雲峯

胡氏曰。係之徽纆。而又寘于叢棘。重險之象。三歲亦復不得出。以陰柔處坎險之極。故也。○隆山李氏曰。上六

當出險矣。而陰柔下比。元出險之才。下乘五剛。將有係
寘之患。猶人陷犴獄。舉手掛徽纆。投足蹈叢棘者也。三
歲不得凶。猶困坎在下。初六亦曰三歲不覿凶。遇坎而
三歲羈縻。一律也。○臨川吳氏曰。周官司圜收教罷民。
能改者。上罪三年而舍。其不能改。而出圜
土者。殺。三歲不得其罪大而不能改者。歟。

象曰。上六失道。凶三歲也。

傳

以陰柔而自處極險之地。是其失道也。故其凶至于

三歲也。三歲之久而不得免焉。終凶之辭也。言久有曰

十。有曰三。隨其事也。陷于獄。至于三歲。久之極也。他卦


以年數言者。亦各以其事也。如三歲不興。十年乃字。是

也。

雲峯胡氏曰。初六以柔居險之初。失道上六以柔居

險之極。元復出險。亦失道。坤初上皆曰其道。坎初上
皆曰失道。首尾相應。○建安丘氏曰。坎陷也。以一陽而
陷于二陰也。上下皆坎。則二五皆陷。然坎之性下。下坎

則為陷之太甚。故上坎為安。以五得位而二不得位。故五之祗既平異乎二之求小得也。其四陰爻。則處陽外。而陷陰者最凶。是以初言入于坎窞。上言寘于叢棘。以在二五兩陽之外也。若中二陰。三則失位。乘陽而无功。四則得位。承陽而无咎也。



離上 離下



離序卦坎者陷也。陷必有所麗。故受之以離。離者麗

也。陷於險難之中。則必有所附麗。理自然也。離所以次

坎也。離麗也。明也。取其陰麗於上下之陽。則為附麗之

義。取其中虛。則為明義。離為火。火體虛麗於物而明者

也。又為日。亦以虛明之象。

隆山李氏曰。文王序卦以乾

之純。而坎離者。陰陽之中。不若震巽艮兌為陰陽之偏也。以六十四卦之序觀之。乾坤居六十四卦之首。坎離

居六十四卦之中。尤有深意。蓋坎離二卦。為天地心。天地造化之本。坎藏天之陽中。受明為月。離麗地之陰中。含明為日。坎為水而司寒。離為火而司暑。坎為月而司夜。離為日而司晝。水火日月之用。寒暑晝夜之運。天地造化之妙。孰有出於此哉。

離。利貞。亨。畜牝牛吉。

畜許六反

傳

離麗也。萬物莫不皆有所麗。有形則有麗矣。在人則

為一

字。无所親附之人。所由之道。所主之事。皆其所麗也。

人之所麗。利於貞正。得其正。則可以亨通。故曰離利貞。

亨。畜牝牛吉。牛之性順。而又牝焉。順之至也。既附麗於

正。必能順於正道。如牝牛則吉也。畜牝牛。謂養其順德。

一。元人之順德。由養以成。既麗於正。當養習以成其順德。字。

德也

本義

離麗也。陰麗於陽。其象為火。體陰而用陽也。

物之所麗貴乎得正。牝牛柔順之物也。故占者能正則

亨。而畜牝牛則吉也。

朱子曰。離便是麗。附著之意。易中

說明處。明是離之體。麗是麗著底意思。離字自古人多用

做離著說。然而物相離去也。只是這字。古來自有這般

兩用底字。如亂字又喚做治。○問火體陰而用陽是如

何。曰。此言三畫卦中陰而外陽者也。坎象為陰。水體陽

而用陰。蓋三畫卦中陽而外陰者。又曰。火中虛暗。則離

中之陰也。水中虛明。則坎中之陽也。○問離卦是陽包

陰。占利畜牝牛。便是宜畜柔順之物。曰。然。○臨川吳氏曰。牛牝皆坤象。離中畫一陰。坤之中畫也。故象牝牛。○平庵項氏曰。坤以全體配乾而行。故為牝馬之行。地。離以二五附乾而居。故為牝牛之畜。養。○雲峯胡氏曰。本義於坎曰中實而外虛。則知離中虛而外實。於離曰體陰而用陽。則知坎體陽而用陰。互見也。夫麗則易至。於不正。麗而正則亨矣。以畜牝牛乃吉何也。坎之明在內。以剛健而行之於外。離之明在外。當柔順以養之於

中也。坎水潤下。愈下則陷矣。故以行為尚。離火炎上。愈上則焚矣。故以止為吉。○雙湖胡氏曰。文王於坤取牝馬象。於離取牝牛象。固自不同也。後之言象者。但見說卦乾為馬。坤為牛。於是坤之馬反欲求之乾。離之牛反欲求之坤。未免膠泥。而有不通者。豈知夫子於說卦取象。又自有所見。本不必盡同於先聖。豈可以夫子之象為文王周公之象哉。

彖曰。離麗也。日月麗乎天。百穀草木麗乎土。



離麗也。謂附麗也。如日月則麗於天。百穀草木則麗

於土。萬物莫不各有所麗。天地之中。无无麗之物。在人

當審其所麗。麗得其正。則能亨也。

節初齊氏曰。龜山楊氏云。火无常形。麗物

而有形。最得本旨。人之生也。得水為精。得火為神。其合也。氣聚而形。成於有。其分也。氣散而神。泯於无。蓋精所以為形。而神麗於形者也。天地形之大者也。日月麗天。百穀草木麗土。其神之發見而可見者也。

重明以麗乎正。乃化成天下。

重直龍反

傳

以卦才言也。上下皆離。重明也。五二皆處中正。麗乎

正也。君臣上下皆有明德而處中正。可以化天下成文

明之俗也。

本義

釋卦名義。

朱子曰。彖辭重明。自是五二兩爻為君臣重明之義。大象

又自說。繼世重明之義不同。○平庵項氏曰。日月麗乎天而成明。百穀草木麗乎土而成文。故離為文。又為明。

重明以麗乎正。此統論一卦之義。以釋卦名也。○建安丘氏曰。五為天位。故離上有日月麗乎天之象。此以建

麗氣者也。二居地位。故離下有百穀草木麗乎土之象。此以形麗形者也。上下皆離。故曰重明。君臣上下重明

而共麗乎正。則可以成天下文明之化矣。

彖麗乎中正。故亨。是以畜牝牛吉也。

傳

二五以柔順麗於中正。所以能亨。人能養其至順以

麗中正則吉。故曰畜牝牛吉也。或曰二則中正矣。五以陰居陽得為正乎。曰離主於所麗。五中正之位。六麗於正位。乃為正也。學者知時義而不失輕重。則可以言易

矣

本義

以卦體釋卦辭

朱子曰六二中正六五中而不正。今言麗乎正麗乎中正。次第

說六二分數多。此卦惟這爻較好。○平庵項氏曰柔麗乎中正。此以二五成卦之爻釋卦辭也。五麗乎中。二麗乎正中。人能附順乎中正之道。故亨。是以畜牝牛吉。加是以二字。明柔附本非今德。以能附麗乎中正。是以吉也。苟附麗非正。則安得吉哉。○雲峯胡氏曰坎之剛中九五分數多。故九五曰坎不盈。卦辭釋有孚。亦曰水流而不盈。離之中正六二分數多。故卦辭曰畜牝牛。而六二爻辭亦曰黃離元吉。

象曰明兩作離。大人以繼明照于四方。

傳

若云兩明。則是二明。不見繼明之義。故云明兩明而

重兩。謂相繼也。作離明兩而為離。繼明之義也。震巽之類。亦取游隨之義。然離之義尤重也。大人以德言則聖人。以位言則王者。大人觀離明相繼之象。以世繼其明德。照臨于四方。大凡以明相繼。皆繼明也。舉其大者。故以世襲繼照言之。

本義 作起也。朱子曰。明兩作。猶言水箇明字。便是指日而言。若說兩明。却是兩箇日。只是這一箇明兩。番作。非明兩。乃兩作也。○開封耿氏曰。重明者。上下一明也。繼明者。前後明也。彖言二五君臣。故以重明言之。象言明兩作。皆君也。故以繼明言之。○蘭氏廷瑞曰。離為火。為日。為電。而獨言明者。蓋指一偏。則不足以盡繼明之義。六十四卦。唯離稱大人。○平庵項氏曰。繼明。如言聖繼聖。○雲峯胡氏曰。程傳明兩。句絕。本義以水游至例之。故訓作為起。

初九。履錯然。敬之无咎。

錯 錯上各反

傳陽固好動。又居下而離體。陽居下則欲進。離性炎上。

志在上。麗幾於躁動。其履錯然。謂交錯也。雖未進而跡

已動矣。動則一無失居下之分而有咎也。然其剛明之

才。若知其義而敬慎之。則不至於咎矣。初在下无位者

也。明其身之進退。乃所麗之道也。其志既動。不能敬慎

則妄動。是不明所麗。乃有咎也。本義以剛居下而處明

體。志欲上進。故有履錯然之象。敬之則无咎矣。戒占者

宜如是也。進齋徐氏曰。履在下之象。錯然交雜之貌。居

未得其當。烏能无咎。惟能敬慎。則其咎可免矣。○雙湖

胡氏曰。錯然。是事物紛錯之意。能敬則心有主宰。酬應

不亂。可免於咎。不能敬。則反是。

象曰履錯之敬以辟咎也

辟音避

傳

履錯然欲動而知敬慎不敢進所以求辟免過咎也

居明而剛故知而能辟不剛明則妄動矣

中溪張氏曰初居離之始

所履之邪正善惡紛錯而未知適從也不敬則妄動而獲咎矣故履錯之敬可以避咎

六二黃離元吉

傳

二居中得正麗於中正也黃中之色文之美也文明

中正美之盛也故云黃離以文明中正之德上同於文

明中順之君其明如是所麗如是大善之吉也

本義

黃

中色柔麗乎中而得其正故其象占如此

朱子曰六二一爻柔麗乎

中而得其正故元吉至六五雖是柔麗乎中而不得其正特借中字而包正字○雲峯胡氏曰離六二以黃言

者。離之二自坤來也。二與五皆自坤來。而五不以黃離言者。坤五爻皆臣道。故於五曰黃裳元吉。離五君二臣。故於二曰黃離元吉。况離性炎上。上之中又不如下之中也。○李氏開曰。六二本坤之中爻。黃地之中色。與黃裳元吉同。裳下飾而離為日。此其異也。

象曰。黃離元吉。得中道也。

傳所以元吉者。以其得中道也。不云正者。離以中為重。

所以成文明由中也。正在其中矣。節齋蔡氏曰。坎之時用在中。二五皆卦之

中也。五當位而二不當位。故五為勝。離之時用在中。二五皆卦之中也。二當位而五不當位。故二為勝。○雲峯胡氏曰。坎五之中中而未大。離二之中。聖人特以得中道許之。

九三。日昃之離。不鼓缶而歌。則大耋之嗟。凶。

傳八純卦皆有二體之義。乾內外皆健。坤上下皆順。震

威震相繼。巽上下順隨。坎重險相習。離二明繼照。艮內
外皆止。充彼己相說。而離之義在人事最大。九三居下
體之終。是前明將盡。後明當繼之時。人之始終。時之革
易也。故爲日昃之離。日下昃之明也。昃則將沒矣。以理
言之。盛必有衰。始必有終。常道也。達者順理爲樂。缶常
用之器也。鼓缶而歌。樂其常也。不能如是。則以大耋爲
嗟憂。乃爲凶也。大耋傾沒也。人之終盡。達者則知其常
理。樂天而已。遇常皆樂。如鼓缶而歌。不達者則恐。但有
將盡之悲。乃大耋之嗟。爲其凶也。此處死生之道也。耋
與眊同。

本義

重離之間。前明將盡。故有日昃之象。不安

常以自樂。則不能自處而凶矣。戒占者宜如是也。或問

曰。是之離。朱子曰。死生常理也。若不能安常以自樂。則不免有嗟戚。又問。生之有死。猶晝之必夜。故君子當觀曰。是之象以自處。曰。人固知常理如此。只是臨時自不能安耳。○雲峯胡氏曰。曰。是。晝而將夜也。晝之必夜。生之必死。皆常道也。缶常用之器。不鼓缶而歌。是不安常以自樂也。不安其常。則不能自處。而以大耋為嗟矣。嗟者。歌之反。故凶。○藍田呂氏曰。詩云。今我不樂。逝者其耋。與此意同。○庸齋趙氏曰。離為日。三過中。前明將盡。有日。是之象。於是時也。鼓缶而歌。是以樂消日也。王羲之所謂。年在桑榆。賴絲竹陶寫。是也。大耋之嗟。是以憂度日也。趙孟所謂焉能恤遠。朝不謀夕。是也。

象曰。曰。是之離。何可久也。

傳 日既傾。是明能久乎。明者知其然也。故求人以繼其事。退處以休其身。安常處順。何足以為凶也。

九四突如其來如。焚如。死如。棄如。

傳九四離下體而升上體。繼明之初。故言繼承之義。在上而近君。繼承之地也。以陽居離體而處四。剛躁而不中正。且重剛以不正。而剛盛之勢突如其來。非善繼者也。夫善繼者必有巽讓之誠。順承之道。若舜啓然。今四突如其來。失善繼之道也。又承六五陰柔之君。其剛盛陵爍之勢。氣焰如焚然。故云焚如。四之所行不善如此。必被禍害。故曰死如。失繼紹之義。承上之道。皆道德也。衆所棄絕。故云棄如。至於死棄禍之極矣。故不假言凶也。

本義

後明將繼之時。而九四以剛迫之。故其象如此。

朱子曰。九四有侵陵六五之象。故突如其來。又曰。只是說九四陽爻突出來。逼拶上爻。離為火。故有焚如之象。焚如。是不戢自焚之意。棄是死而棄之之意。○漢上朱氏曰。九四處不當位。不善繼而求繼者也。○臨川吳氏曰。離以二五為主。本義所謂前明後明者。指二與五也。三近二。則前明將盡。四近五。則後明將繼。突如其來。四迫五也。坎三離四。正上下之交。故兩卦於此深致意焉。坎性下。三在下卦之上。故曰來而上下也。離性上。四在上卦之下。故曰突如其來而上下也。水本下。又來而之。下。入于坎窞而後已。火本上。又來而之上。焚如死如棄如。而後已。然坎之三有枕象。三枕下之險。而四又下枕三。故三之入也愈深。離之四有突象。四既上突而迫乎五。三亦上突而迫乎四。故四之焚也愈甚。

象曰。突如其來。无所容也。

傳 上陵其君。不順所承。人惡眾棄。天下所不容也。

本義

六五。出涕沱若。戚嗟若。吉。

沱徒河反

傳

六五居尊位而守中。有文明之德。可謂善矣。然以柔

居上。在下无助。獨附麗於剛強之間。危懼之勢也。唯其明也。故能畏懼之深。至於出涕。憂慮之深。至於戚嗟。所以能保其吉也。出涕戚嗟。極言其憂懼之深耳。時當然也。居尊位而文明。知憂畏如此。故得吉。若自恃其文明之德。與所麗中正泰然不懼。一作慮則安能保其吉也。

本義

以陰居尊柔麗乎中。然不得其正而迫於上下之

陽。故憂懼如此。然後得吉。戒占者宜如是也。

朱子曰。五

之間。憂懼如此。然處得其中。故不失其吉。○潘氏夢旂曰。五居尊位。天下之所附麗也。明德在中。慮事深遠。出

涕戚嗟。憂懼之至。所以吉也。○雲峯胡氏曰。坎中有離。自牖。離虛明之象也。離中有坎。沱若。坎水象。戚嗟若。心憂之象也。九三大羞之嗟。以死生為憂者也。不當憂而憂。故凶。六五戚嗟若。居君位而能憂者也。憂所當憂。故吉。○東谷鄭氏曰。二五皆以柔麗剛。二之辭安。五之辭危者。二得位。五失位也。失位則危。知危則吉。

象曰。六五之吉。離王公也。麗音

傳六五之吉者。所麗得王公之正位也。據在上之勢。而

明察事理。畏懼憂虞。以持之。所以能吉也。不然。豈能安

乎。孔氏曰。五為王位。而言公者。便文以協韻也。

上九。王用出征。有嘉

傳九以陽居上。在離之終。剛明之極者也。明則能照。剛則能斷。能照足以察邪惡。能斷足以行威刑。故王者宜

用如是剛明以辨天下之邪惡而行其征伐。則有嘉美之功也。征伐用刑之大者。節齋蔡氏曰。以剛居上。處離出。征。則有嘉美之功。○西溪李氏曰。繼體之君。自當出。征。有扈之戰。啓所以承禹。商奄淮夷之征。成王所以繼武王。周公作立政。終之曰。其克。詰爾戎兵。以陟禹之。召公畢公。命康王。无他意。惟曰。張皇六師。无壞我高祖寡命而已。蓋不如是。不足以正邦也。然則出征。豈細事哉。

折首獲匪其醜。无咎。

傳夫明極則无微不照。斷極則无所寬宥。不約之以中。則傷於嚴察矣。去天下之惡。若盡究其漸染。註誤。則何可勝誅。所傷殘亦甚矣。故但當折取其魁首。所執獲者。非其醜類。則无殘暴之咎也。書曰。殲厥渠魁。脅從罔治。

本義 剛明及遠威震而刑不濫无咎之道也故其象占

如此朱子曰有嘉折首是句○西溪李氏曰有嘉折首
軒張氏曰離有甲冑兵戈之象而周官司馬之職列于
夏官蓋有以也○雲峯胡氏曰坎水內明而外暗上六
暗於外者也故必陷於刑離火內暗而外明上九明於
外者也故可用行兵本義云剛明及遠威震而刑不濫
蓋剛遠則威震故曰折首明
遠則刑不濫故曰獲匪其醜

象曰王用出征以正邦也

傳 王者用此上九之德明照而剛斷以察除天下之惡

所以正治其邦國剛明居上之道也中溪張氏曰征之

正邦也○建安丘氏曰離麗也。以一陰而麗二陽也。上
下皆離。則二五皆麗。然離之性上上離則炎上之陽太過
故下離為安。又二得位而五不得位也。故二之黃離元
吉異乎五之出涕沱若也。其四陽爻則處陰內而為陰

周易傳義大全卷之十一
所麗者最凶。是以三言日昃之離。四言焚如棄如。以敬
在二五兩陰之內也。若初上二陽。初明在下。則知以敬
而辟咎。上剛在外。則
能以征而正邦也。

周易傳義大全卷之十一

